

四庫全書

史部

欽定四庫全書

史部

資治通鑑卷二百六十一

詳校官修撰臣錢 蔡

洗馬臣王坦修覆勘

總校官知縣臣楊懋珩

校對官中書臣盛敦崇

謄錄監生臣姜今熙

欽定四庫全書

資治通鑑卷二百六十

宋司馬光撰

胡三省音註

唐紀七十六

起旃蒙單閼盡癸兆執徐凡二年

昭宗聖穆景文孝皇帝上之下

乾寧二年春正月辛酉幽州軍民數萬以麾蓋歌鼓迎李克用入府舍克用命李存審劉仁恭將兵略定巡屬

繼溪嶺莫嬌嶺順營平新武等州皆盧龍巡屬也

癸未朱全忠遣其將朱友

恭園兗州

朱瑾據兗州屢為汴人所敗兵力俱困至是受圍

朱瑄自鄆以兵糧

救之友恭設伏敗之於高梧

敗補邁翻高梧即春秋魯國之高魚杜預注曰高魚

在東郡廩丘縣東南續漢志廩丘有鄆城高魚城

盡奪其餉擒河東將安福順

安福慶

去年河東遣安福順等救兗鄆事見上卷

已巳以給事中陸希聲

為戶部侍郎同平章事希聲元方五世孫也

陸元方見二百五卷

武后長壽二年

壬申護國節度使王重盈薨軍中請以重榮

子行軍司馬珂知留後事珂重盈兄重簡之子也重榮

養以為子

為王珙王珂弟河中張本重直龍翻珂丘何翻

楊行密表朱全忠

罪惡請會易定宛鄆河東兵討之 董昌將稱帝集將

佐議之節度副使黃碣曰

碣其
謁翻

今唐室雖微天人未厭

齊桓晉文皆翼戴周室以成霸業大王興於畎畝

昌爵
隴西

郡王故稱之
畎古注翻

受朝廷厚恩位至將相富貴極矣奈何一

旦忽為族滅之計乎碣寧死為忠臣不生為叛逆昌怒

以為惑眾斬之投其首於廁中罵之曰奴賊負我好聖

明時三公不能待而先求死也并殺其家八十口同坎

瘞之

瘞於
計翻

又問會稽令吳錄

會古外翻錄力
彫翻又力弔翻

對曰大王

不為真諸侯以傳子孫乃欲假天子以取滅亡邪

乃欲之下

有為字文意方足

昌亦族誅之又謂山陰令張遜曰汝有能政

吾深知之俟吾為帝命汝知御史臺遜曰大王起石鏡

鎮

見二百五十三卷
倍宗乾符五年

建節浙東榮貴近二十年

近其斬

何

苦效李錡劉闢之所為乎

李錡劉闢以反誅
事皆見憲宗紀

浙東僻處

海隅

處昌呂翻

巡屬雖有六州大王若稱帝彼必不從

台明溫處

娶浙東巡屬也時蒙深並
起各自為刺史昌羈縻而已

徒守空城為天下笑耳昌

又殺之謂人曰無此三人者則人莫我違矣二月辛卯

昌被袞冕登子城門樓即皇帝位

被皮義翻

考異曰

僭號按會稽錄昌自云應免子之讖欲以二月二日僭號取卯月卯日也而實錄長歷皆云二月己丑朔非常時歷誤即今日歷誤要之

昌必以二月辛卯日僭號 悉陳瑞物於庭以示衆先是

咸通末

先悉薦翻

吳越間訛言山中有大鳥四目三足聲云

羅平天冊見者有殃民間多畫像以祀之及昌僭號曰此吾鸞鸞也

鸞五角翻鸞士角翻鸞鸞鳳屬

乃自稱大越羅平國改元

順天

考異曰吳越傳史曰癸卯昌僭稱皇帝建元順天國號羅平年號或云天冊或云大聖皆非也羅

隱撰吳越行營露布曰羅平者啓國之名順天者建元之始又曰將軍門稱天冊之樓以會府為宣室之地明

告我其所稱曰權即羅平國位昌狀印文曰順天治國之印十國紀年亦云年號順天會稽錄云天冊蓋誤今從構

史

署城樓曰天冊之樓令羣下謂已曰聖人以前杭

州刺史李邈前婺州刺史蔣瓌兩浙鹽鐵副使杜郢前

屯田郎中李瑜為相又以吳瑤等皆為翰林學士李暢

之等皆為大將軍昌移書錢鏐告以權即羅平國位以

鏐為兩浙都指揮使鏐遺昌書曰

遺唯李翻

與其閉門作天

子與九族百姓俱陷塗炭豈若開門作節度使終身富

貴邪及今後悔

悔且緣翻改也

尚可及也昌不聽鏐乃將兵三

萬詣越州城下至迎恩門

迎恩門越州城西門

見昌再拜言曰大

王位兼將相奈何捨安就危鏐將兵此來以俟大王改

過耳縱大王不自惜鄉里士民何罪隨大王族滅乎昌

懼致犒軍錢二百萬執首謀者吳瑤及巫覲數人送於

鏐

犒苦到翻覲刑狄翻

且請待罪天子鏐引兵還以狀聞

聞於朝也

王重盈之子保義節度使珙

王重盈先鎮陝就王重榮為其下所殺重盈代鎮河

中以其子珙繼鎮陝就陝就號保義軍珙居勇翻

晉州刺史瑤舉兵擊王珂表

言珂非王氏子與朱全忠書言珂本吾家蒼頭不應為

嗣珂上表自陳

珂丘何翻
上時掌翻

且求援於李克用上遣中使

諭解之

上重李谿文學乙未復以谿為戶部侍郎同

平章事

去年命李谿為相劉崇
魯沮之而止事見上卷

朱全忠軍于單父

單父

縣時帶單州單

音善父音甫

為朱友恭聲援

朱友恭時圍
朱瑾於兗州

李克用表

劉仁恭為盧龍留後留兵戍之壬子還晉陽媯州人高

思繼兄弟有武幹為燕人所服克用皆以為都將分掌

幽州兵部下士卒皆山北之豪也

媯檀諸州皆在幽州
山北亦謂之山後

仁恭憚之久之河東兵戍幽州者暴橫

橫戶
孟翻

思繼兄弟

以法裁之所誅殺甚多克用怒以讓仁恭仁恭訴稱高

氏兄弟所為克用俱殺之仁恭欲收燕人心復引其諸

子置帳下厚撫之

為仁恭叛克用張本復扶又翻下同

崔昭緯與李茂

貞王行瑜深相結得天子過夾朝廷機事悉以告之邠

寧節度副使崔鋌昭緯之族也

鋌音蟬

李谿再入相昭緯

使鋌告行瑜曰邠者尚書令之命已行矣而韋昭度沮

之

事見上卷景福二年

今又引李谿為同列相與熒惑聖聽恐復

有杜太尉之事

杜讓能事亦見上卷景福二年

行瑜乃與茂貞表稱谿

姦邪昭度無相業宜罷居散秩

散秩
重翻

上報曰軍旅之事

朕則與藩鎮圖之至於命相當出朕懷行瑜等論列不

已三月谿復罷為太子少師

復扶
又翻

王珙王瑤請朝廷

命河中帥

帥所類
翻下同

詔以中書侍郎同平章事崔肩同平

章事充護國節度使以戶部侍郎判戶部王搏為中書

侍郎同平章事

王珂李克用之壻也克用表重榮有

功於國

言破黃巢黜襄王
王重榮皆有功也

請賜其子珂節鉞王珙厚結

王行瑜李茂貞韓建三帥更上表稱珂非王氏子

更王
衡翻

也迭請以珂為陝州琪為河中上諭以先已允克用之奏

不許

允從也為三帥稱兵入京城克用誅王瑤討三帥張本陝失冉翻

加王鎔兼侍

中楊行密浮淮至泗州防禦使臺濠盛飾供帳

姓苑臺姓

臺昭之後後漢有高士臺佟晉有術士臺彥前趙有特進臺彥舉供居用翻

行密不悅既行

濠於卧內得補綻衣馳使歸之

綻當作綻文苑翻綻亦補也使疏吏翻

行

密笑曰吾少貧賤不敢忘本

少詩照翻

濠甚慙行密攻濠州

拔之執刺史張璠

璠附朱全忠見上卷景福元年

行密軍士掠得徐州

人李氏之子生八年矣行密養以為子

南唐世家曰李昇徐州人李榮

之子榮遇亂不知所終昇少孤流寓
滾泗間楊行密攻潁州得之養為子行密長子渥憎之

行密謂其將徐溫曰此兒質狀性識頗異於人吾度渥

必不能容

度徒洛翻

今賜汝為子溫名之曰知誥知誥事溫

勤孝過於諸子嘗得罪於溫溫笞而逐之及歸知誥迎

拜於門溫問何故猶在此知誥泣對曰人子捨父母將

何之父怒而歸母人情之常也溫以是益愛之使掌家

事家人無違言及長喜書善射

長知兩翻喜許既翻

識度英偉行

密常謂溫曰知誥俊傑諸將子皆不及也

徐知誥事始此後復姓李

名丁亥行密圍壽州 上以郊畿多盜至有踰垣入宮

或侵犯陵寢者欲令宗室諸王將兵巡警又欲使之四方撫慰藩鎮南北司用事之臣恐其不利於已交章論諫上不得已夏四月下詔悉罷之 朝廷以董昌有貢

輸之勤

翰春遇翻

今日所為類得心疾詔釋其罪縱歸田里

戶部侍郎同平章事陸希聲罷為太子少師 楊行

密圍壽州不克將還庚寅其將朱延壽請試往更攻一

鼓拔之

以行密將還而懈於守溝故一鼓而拔

執刺史江從勗

高彥溫舉壽州附朱

全忠全忠以江從勗為刺史
楊行密執之遂有濠壽二州
行密以延壽權知壽州團

練使未幾

幾居宣翻

汴兵數萬攻壽州州中兵少吏民怙懼

怙許勇翻

延壽制軍中每旗二十五騎命黑雲隊長李厚將

十旗擊汴兵不勝延壽將斬之

長知兩翻

厚稱衆寡不敵願

益兵更往不勝則死都押牙汝陽柴再用亦為之請

路振

九國志柴再用始名存事孫儒與一小校結死友有告
小校反儒斬之執存至詰何故反不對又問對曰與彼
結死友彼反則某反公誅之復何問焉儒奇
之曰汝果不反吾再用汝因改名為于濤翻
乃益以五

旗厚殊死戰再用助之延壽悉衆乘之汴兵敗走厚蔡

州人也

李厚者孫儒之遺兵

行密又遣兵襲漣水拔之

史言楊行密壤地沒

廣泗州漣水縣杜佑曰漢仇猶縣宋白曰按公猶城今宿預縣也魏曰海安縣晉為宿預之境宋置東海郡後

魏改海安郡隋廢郡置漣水縣

錢鏐表董昌僭逆不可赦請以本道

兵討之

錢鏐本有并董昌之心因其僭號仗大順而誦討之

太傅門下侍郎同

平章事韋昭度以太保致仕 戊戌以劉建鋒為武安

節度使建鋒以馬殷為內外馬步軍都指揮使

為馬殷代建鋒

張本

楊行密遣使詣錢鏐言董昌已改過宜釋之

楊行密欲

存董昌以制錢鏐之後使不得與已爭衡耳

亦遣詣昌使趣朝貢

趣詣曰促朝直遣翻

下河東遣其將史儼李承嗣以萬騎馳入于鄆

李克用遣

史儼等再往救充鄆則不得還矣勞師遠圖自古忌之

朱友恭退歸于汴五月

詔削董昌官爵委錢鏐討之初王行瑜求尚書令不

獲

見上卷景福二年

由是怨朝廷畿內有八鎮兵隸左右軍

左右

神策軍也郃陽鎮近華州韓建求之

郃陽漢縣唐屬同州九域志縣在州東一百二

十里郃音合近其斬翻下同

良原鎮近邠州王行瑜求之

良原縣屬涇州宦

官曰此天子禁軍何可得也王珂王珙爭河中行瑜建及李茂貞皆為珙請不能得恥之珙使人語三帥曰

為于

偽翻語干偽
翻帥所類翻

珂不受代而與河東婚姻必為諸公不利

請討之行瑜使其弟匡國節度使行約攻河中

時以同
州為匡

國軍九城志同州東
至河中七十五里

珂求救於李克用行瑜乃與茂貞

建各將精兵數千入朝甲子至京師坊市民皆竄匿上

御安福門以待之三帥盛陳甲兵拜伏舞蹈於門下上

臨軒親詰之曰

字末曰軒
詰去吉翻

卿等不奏請俟報輒稱兵入

京城其志欲何為乎若不能事朕今日請避賢路行瑜

茂貞流汗不能言獨韓建粗述入朝之由

粗音坐
五翻

上與

三帥宴三帥奏稱南北司互有朋黨墮紊朝政

墮讀日
紊音

問

韋昭度討西川失策

討西川事見二百五十七卷二百五十八卷

李谿作

相不合衆心請誅之上未之許是日行瑜等殺昭度谿

於都亭驛

都亭驛在朱雀門外西街含光門北來第二坊

又殺樞密使康尚弼

及宦官數人又言王珂王珙嫡庶不分請除王珙河中

徙王行約於陝王珂於同州上皆許之始三帥謀廢上

立吉王保至是聞李克用已起兵於河東行瑜茂貞各

留兵二千人宿衛京師與建皆辭還鎮貶戶部尚書楊

堪為雅州刺史堪虞卿之子

楊虞卿見文宗紀

昭度之舅也

初崔胤除河中節度使河東進奏官薛志勤揚言曰崔

公雖重德以之代王珂不若光德劉公於我公厚也光

德劉公者太常卿劉崇望也

光德里名在長安城中唐末大臣有時望者時人率

以其所居里稱之光德坊朱雀街西第三街北來第六坊京兆府在焉

及三帥入朝聞志

勤之言貶崇望昭州司馬李克用聞三鎮兵犯闕即日

遣使十三輩發北部兵

北部兵代北諸蕃落兵也

期以來月度河入

關六月庚寅以錢鏐為浙東招討使鏐復發兵擊董

昌

復扶
又翻

辛卯以前均州刺史孔緯繡州司戶張濬並

為太子賓客壬辰以緯為吏部尚書復其階爵癸巳拜

司空兼門下侍郎同平章事以張濬為兵部尚書諸道

租庸使

孔緯張濬見二百五十八
卷大順元年今欲復用之

時緯居華州濬居

長水上以崔昭緯等外交藩鎮朋黨相傾思得骨鯁之

士故驟用緯濬緯以有疾扶輿至京師見上涕泣固辭

上不許李克用大舉蕃漢兵南下上表稱王行瑜李

茂貞韓建稱兵犯闕賊害大臣請討之

李克用實黨王
珂聲三帥之罪

而表請
致討

又移檄三鎮行瑜等大懼克用軍至絳州刺史

王瑤閉城拒之克用進攻旬日拔之斬瑤於軍門殺城

中違拒者千餘人秋七月丙辰朔克用至河中王珂迎

謁於路匡國節度使王行約敗於朝邑

朝直
遂翻

戊午行約

棄同州走已未至京師行約弟行實時為左軍指揮使

神策左
軍非此

帥衆與行約大掠西市

朱雀街西
謂之西市

行實奏稱同

華已沒沙陀將至請車駕幸邠州庚申樞密使駱全權

奏請車駕幸鳳翔上曰朕得克用表尚駐軍河中就使

沙陀至此朕自有以枝梧卿等但各撫本軍勿令搖動

右軍指揮使李繼鵬茂貞假子也

程大昌雍錄曰北軍左右兩軍皆在苑內

左三軍在內東苑之東大明宮苑東也右三軍在九仙門之西九仙在內東苑之西北角左三軍左神策左龍武左羽林軍也右三軍右神策右龍武右羽林軍也余按雍錄所云左右六軍代德以後宿衛者也舊宗廣明幸蜀此六軍潰散田令孜於成都募新軍五十二都分屬左右神策軍自時厥後凡所謂左右軍者皆此軍也分營於京城內外又不專在苑中若此時王行實李繼鵬為左右軍指揮使疑是邠岐二帥所留兵以宿衛者自分為本姓名間珪與駱全瓘謀劫上幸鳳翔中尉劉左右也

景宣與王行實知之欲劫上幸邠州孔緯面折景宣以

為不可輕離宮闕

折之舌翻
離力智翻

向晚繼鵬連奏請車駕出

幸於是王行約引左軍攻右軍鼓譟震地上聞亂登承

天樓欲諭止之捧日都頭李筠將本軍於樓前侍衛李

繼鵬以鳳翔兵攻筠

王行約以李繼鵬欲先劫車駕幸岐故攻右軍李繼鵬當與行約戰

而乃攻李筠者以筠衛上不得而劫幸也

矢拂御衣著于樓桶

著直略翻桶棖也棖方曰

桶

左右扶上下樓繼鵬復縱火焚宮門煙炎蔽天時有

鹽州六都兵屯京師

炎讀與饒同鹽州六都兵孫德昭等所領兵也

素為兩軍

所憚上急召令入衛既至兩軍退走各歸邠州及鳳翔

城中大亂互相剽掠

剽匹妙翻

上與諸王及親近幸李筠營

護蹕都頭李居實帥衆繼至

護蹕都亦神策五十四部之一或曰即扈蹕都帥請

率曰或傳王行瑜李茂貞欲自來迎車駕上懼為所迫辛

酉以筠居實兩都兵自衛出啓夏門

啓夏門長安城南面東來第一門

趣南山宿莎城鎮

莎城鎮在長安城南近郊之地也趣七喻翻

士民追從車

駕者數十萬人比至谷口暍死者三之一

谷口南山谷口也暍於歌

翻暍死者中熱而死比必寐翻

夜復為盜所掠哭聲震山谷時百官多

扈從不及

從才用翻

戶部尚書判度支及鹽鐵轉運使薛王

知柔獨先至

知柔薛王業之曾孫

上命權知中書事及置頓使壬

戌李克用入同州崔昭緯徐彥若王搏至莎城甲子上

徙幸石門鎮

路振九國志昭宗出啓夏門駐華嚴寺脯晚出幸南山之莎城駐于石門山之佛寺

與此稍異

命薛王知柔與知樞密院劉光裕還京城制置守

衛宮禁丙寅李克用遣節度判官王瓌奉表問起居丁

卯上遣內侍郝廷昱

新書百官志內侍在內侍監之下內常侍之上負四人從四品上郝

丑之翻

齋詔詣李克用軍令與王珂各發萬騎同赴新平

赴新平以討王行瑜邠州新平郡

又詔彰義節度使張鐸以涇原兵控

扼鳳翔李克用遣兵攻華州韓建登城呼曰

呼火故翻

僕於

李公未嘗失禮何為見攻克用使謂之曰公為人臣逼

逐天子公為有禮孰為無禮者乎會郝廷昱至言李茂

貞將兵三萬至藍屋王行瑜將兵至興平皆欲迎車駕

克用乃釋華州之圍移兵營渭橋

考異曰唐太祖紀年錄王師攻華州俄

而郝廷昱至且言茂貞領兵三萬至藍屋行瑜領軍至

興平欲往石門迎駕乃解華圍進營渭橋按實錄八月

延王戒不至河中克用已發前鋒至渭北已丑克用進

營渭橋又紀年錄載詔曰省表已部領大軍前月二十

七日離河中蓋克用不親圍華州但遣別將將兵往及

聞邠岐謀迎駕乃遣華兵詣渭橋即所謂前鋒者也克

用既以七月二十七日離河中則戒至至彼必
在其前甯錄云八月至河中誤也今從紀年錄以薛王

知柔為清海節度使

是年賜嶺南節度使軍額曰清海

同平章事仍權

知京兆尹判度支充鹽鐵轉運使俟反正日赴鎮上在

南山旬餘士民從車駕避亂者日相驚曰郤岐兵至矣

上遣延王戒丕詣河中趣李克用令進兵

延王郤玄宗子戒至其後

也趣請曰促

壬午克用發河中上遣供奉官張承業詣克用

軍

張承業內供奉官也

承業同州人屢奉使於克用因留監其軍

為張承業盡心於李克用父子張本

已丑克用進軍渭橋遣其將李存貞

為前鋒卒卯拔永壽又遣史儼將三千騎詣石門侍衛

癸巳遣李存信李存審會保大節度使李思孝攻王行

瑜黎園寨

黎園寨在京兆雲陽縣九域志雲陽在華州西北九十里 考異曰莊宗列傳曰三鎮亂

長安李存信從太祖入關以前軍先自夏陽度河攻同
華屬邑下之時太祖在渭北冷官羣小或勸太祖入朝
自握兵柄太祖亦以全忠圖已朝廷不能斷心微有望
月餘不進軍存信與蓋寓乘間密啓曰大王家世効忠
此行討逆上為邠鳳不臣但令臣節為天下所知即三
賊不足平也而悠悠之徒不遠大體或以弗詢之畫苟
合台情雖俳優之言不宜縱其如此京師咫尺天聽非
遠實無益於英德也今三凶正蹙頽連圍之事留變生
無宜猶豫太祖曰公言是也即日出師下黎園若按克
用謀大事固非冷官所豫又實錄己丑克川進營渭橋

癸巳克黎園中間四日耳無月餘不進事且既云羣小勸入朝即當詣行在不當留渭北此特李存信之人欲歸功於存信耳今不取擒其將王令陶等獻於行在思孝本姓拓

跋思恭之弟也李茂貞懼斬李繼鵬傳首行在

李茂貞委劫乘

與之罪於繼鵬

上表請罪且遣使求和於克用上復遣延王戒

丕丹王允諭克用

丹王逾代宗子允其後也復扶又翻

令且赦茂貞併力

討行瑜俟其殄平當更與卿議之且命二王拜克用為兄以前河中節度使崔胤為中書侍郎同平章事

戊戌削奪王行瑜官爵癸卯以李克用為邠寧四面行

營都招討使保大節度使李思孝為北面招討使定難

節度使李思諫為東面招討使

難乃旦翻

彰義節度使張鐸

為西面招討使

命李克用自南臨討之

克用遣其子存勗詣行在

李存勗始此 考異曰實錄作存貞据後唐實錄薛居正五代史莊宗未嘗名存貞實錄蓋誤

年十一

上奇其狀貌撫之曰兒方為國之棟梁他日宜盡忠於

吾家克用表請上還京上許之令克用遣騎三千駐三

橋為備禦辛亥車駕還京師壬子司空兼門下侍郎同

平章事崔昭緯罷為右僕射

以護國留後王珂廬龍

留後劉仁恭各為本鎮節度使

李克用之志也

時宮室焚毀

未暇完葺上寓居尚書省

程大昌曰尚書省在朱雀門正街之東自占一坊六部附

麗其旁

百官往往無袍笏僕馬

以李克用為行營都統

九月癸亥司空兼門下侍郎同平章事孔緯薨 卒

未朱全忠自將擊朱瑄戰於梁山

新志鄆州壽張縣有刀梁山水經注梁山

在壽張縣濟水遶其東

瑄敗走還鄆

李克用急攻黎園王行瑜求

救於李茂貞茂貞遣兵萬人屯龍泉鎮

九域志鄆州三水縣有龍泉鎮在州

東北

自將兵三萬屯咸陽之旁克用請詔茂貞歸鎮仍削

奪其官爵欲分兵討之上以茂貞自誅繼鵬前已赦宥

不可復削奪誅討

復扶又翻

但詔歸鎮仍令克用與之和解

以昭義節度使李罕之檢校侍中充邠寧四面行營副

都統史儼敗邠寧兵於雲陽

取補遺翻下同

擒雲陽鎮使王令

誨等獻之

王建遣簡州刺史王宗瑤等將兵赴難

乃難

旦翻

甲戌軍于綿州

春秋之法書救而書次者以次為賑賑者以其頓兵觀望不進無救難解

急之意也王建遣兵赴難而軍于綿州何日至長安邪

董昌求救於楊行密行

密遣泗州防禦使臺濛攻蘇州以救之

蘇州時屬錢鏐收之所以牽制

鏐兵不得專攻董昌

且表昌引咎願修職貢請復官爵又遺錢鏐

書稱昌狂疾自立已畏兵諫

遺唯季翻春秋左氏傳鬻朱彊諫楚子不從臨之以

兵

執送同惡

謂董昌執首謀潛吳瑤及重覲數人送於鏐也

不當復伐之

復扶又翻

冬十月丙戌河東將李存貞敗邠寧軍於黎園北殺

千餘人

敗補邁翻

自是黎園閉壁不敢出

貶右僕射崔昭

緯為梧州司馬

以黨附邠岐也

魏國夫人陳氏才色冠後宮

冠古玩翻

戊子上以賜李克用

薛史曰後克用薨陳氏為尼至晉天福中乃卒

克用

令李罕之李存信等急攻黎園城中食盡棄城走罕之

等邀擊之所殺萬餘人克黎園等三寨獲王行瑜子知

進及大將李元福等克用進屯黎園庚寅王行約王行

實燒寧州遁去

九域志寧州南至郿州一百二十五里

克用奏請以匡國

節度使蘇文建為靜難節度使趣令赴鎮且理寧州招

撫降人

以蘇文建代王行瑜也時郿州未下故令且治寧州趣讀曰促降戶江翻

上遷居

大內

葦理稍完自尚書省還居大內

朱全忠遣都將葛從周擊兗州

自以大軍繼之癸卯圍兗州

是年春汴兵圍兗州以河東救至而退今復園之

楊行密遣寧國節度使田頔

景福元年升宣歙團練使為寧國節度使潤

州團練使安仁義攻杭州鎮戍以救董昌昌使湖州將

徐淑會淮南將魏約共圍嘉興錢鏐遣武勇都指揮使

顧全武救嘉興破烏墩光福二寨

九域志湖州烏程縣有烏墩鎮墩都毘翻

淮南將柯厚破蘇州水柵全武餘姚人也義陽節度使

王處存薨軍中推其子節度副使郃為留後

郃古到翻

以

京兆尹武邑孫渥為兵部侍郎同平章事

王行瑜以

精甲五千守龍泉寨李克用攻之李茂貞以兵五千救

之營於鎮西

鎮西龍泉鎮之西也

李罕之擊鳳翔兵走之十一月

丁巳拔龍泉寨行瑜走入邠州遣使請降於李克用

齊州刺史朱瓊舉州降於朱全忠

為朱瑾詩斬瓊張本考異曰薛居正五

代史梁紀瓊降及死皆在十月按編遺錄十一月丁巳瓊遣軍將王自新奉檄歸義士申瓊自來早已死今從

之瓊瑾之從父兄也

從才用翻

衢州刺史陳儒卒弟爰代

之李克用引兵逼邠州王行瑜登城號哭

號戶翻

謂克

用曰行瑜無罪迫脅乘輿皆李茂貞及李繼鵬所為請

移兵問鳳翔行瑜願束身歸朝

乘繩證翻朝直遙翻

克用曰王尚

父何恭之甚

王行瑜賜號尚父時已削奪克用稱之以戲之

僕受詔討三賊臣

謂王行瑜李茂貞韓建也

公預其一束身歸朝非僕所得專也丁卯

行瑜挈族棄城走克用入邠州封府庫撫居人命指揮

使高爽權巡撫軍城奏趣蘇文建赴鎮

趣讀曰促

行瑜走至

慶州境部下斬行瑜傳首

光啓三年王行瑜得靜難節至是而誅

朱瑄

遣其將賀瓌柳存及河東將薛懷寶將兵萬餘人襲曹

州

曹州降汴見二百五十八卷大順二年

以解兗州之圍瓌濮陽人也

濮博

木翻

丁卯金忠自中都引兵夜追之比明至鉅野南及之

比必利翻中都漢平陸縣天寶元年改曰中都鉅野漢古縣唐並屬鄆州九域志中都縣在州東南六十里鉅

野縣在州南
百八十里

屠殺殆盡生擒瓌存懷實俘士卒三千餘

人是日晡後大風沙塵晦冥全忠曰此殺人未足耳下令所得之俘盡殺之庚午縛瓌等徇於兗州城下謂朱

瑾曰卿兄已敗何不早降 丁丑雅州刺史王宗侃攻

拔利州執刺史李繼顥斬之

王宗侃西川將
李繼顥鳳翔將

朱瑾偽

遣使請降於朱全忠

因其誘降
而行詐

全忠自就延壽門下與

瑾語

延壽門蓋兗
州城門也

瑾曰欲送符印願使兄瓌來領之辛

巳全忠使瓌往瑾立馬橋上伏驍果董懷進於橋下瓌

至懷進突出擒之以入須臾擲首城外全忠乃引兵還

全忠知瑾無降心攻之未易猝下故還

以瓊弟玘為齊州防禦使

玘蒲田翻

殺

柳存懷實聞賀瓊名釋而用之

賀瓊自此遂為朱氏用

李克用

旋軍渭北

自邠寧回屯渭北

加靜難節度使蘇文建同平章

事 蔣勛求為邵州刺史劉建鋒不許

乾寧二年蔣勛棄回龍闕以開

劉建鋒之取長沙故邀之以求邵州

勛乃與鄧繼崇起兵連飛山梅山蠻

寇湘潭

飛山蠻在邵州西北界今其山在靖州北十五里比諸山為最高峻四面絕壁千仞梅山蠻在

潭州界宋朝開為安化縣在州西三百二十里湘潭後漢湘南縣地吳分湘南置衡陽縣天寶八年移治於洛

口因改名湘潭縣屬潭州九

城志在州南一百六十里 據邵州使其將申德昌屯

定勝鎮

定勝鎮在邵州東北界

以扼潭人

十二月甲申閬州防

禦使李繼雍蓬州刺史費存

費父沛翻

渠州刺史陳璠各帥

所部兵奔王建

三人皆鳳翔將帥讀曰率

乙酉李克用軍于雲陽

王建奏東川節度使顧彥暉不發兵赴難而掠奪輜

重遣瀘州刺史馬敬儒斷峽路請興兵討之

難乃旦翻重直用翻

觀此則去年王宗瑤赴難之軍非真有勤王之心特借此以開東川兵端耳斷音短

戊子華洪大

破東川兵於楸林俘斬數萬拔楸林寨

楸七由翻

乙未進

李克用爵晉王

自隴西郡王
退爵晉王

加李罕之兼侍中以河東

大將蓋寓領容管觀察使

蓋古盍翻
領送領也

自餘克用將佐子

孫並進官爵克用性嚴急左右小有過輒死無敢違忤

惟蓋寓敏慧能揣其意

忤五故翻
揣初妄翻

婉辭裨益無不從者

克用或以非罪怒將吏寓必陽助之怒克用常釋之有

所諫諍必徵近事為喻由是克用愛信之境內無不依

附權與克用侔朝廷及鄰道遣使至河東其賞賜賂遺

先入克用次及寓家朱全忠數遣人間之

遺于李翻數
所角翻間古

覓及揚言云蓋寓已代克用而克用待之益厚自古英雄之爭

天下必倚勇智之士以為用而出入左右伺候顏色者亦有敏慧軟媚之人若蓋寓之於李克用是也

丙申王建攻東川別將王宗弼為東川兵所擒路振九國志曰

王宗弼掠地飛鳥為顧彥暉所獲顧彥暉畜以為子玉翻畜吁戊戌通州刺

史李彥昭將所部兵二千降於建通州今之連州李彥昭亦鳳翔將

李克用遣掌書記李襲吉入謝恩景鳳元年行軍府置掌書記開元以後諸

節鎮皆置之掌朝觀聘慰薦祭祀祈祝之文與號令升絀之事密言於上曰比年以來

比毗至翻關輔不寧關謂蒲潼隴蜀藍田諸關輔乘此勝勢

遂取鳳翔一勞永逸時不可失臣屯軍渭北專俟進止

上謀於貴近或曰茂貞復滅

復扶又翻下同

則沙陁太盛朝廷

危矣上乃賜克用詔褒其忠款

款誠也

而言不臣之狀行

瑜為甚自朕出幸以來茂貞韓建自知其罪不忘國恩

職貢相繼且當休兵息民克用奉詔而止既而私於詔

使曰觀朝廷之意似疑克用有異心也然不去茂貞

去茂

呂

關中無安寧之日

其後李茂貞再犯京師克用亦不能救矣

又詔免克用

入朝將佐或言今密邇闕庭豈可不入見天子

見賢

克

用猶豫未決蓋寓言於克用曰鄙者王行瑜輩縱兵狂

悖

悖 諸妹 翻 又 諸沒 翻

致鑾輿播越百姓奔散今天子還未安席

人心尚危大王若引兵度渭竊恐復驚駭都邑

蓋寓言 李克用

既不可釋兵入朝若以衆入 是復卻歧華三帥之事耳

人臣盡忠在於勤王不在

入觀願熟圖之克用笑曰蓋寓尚不欲吾入朝况天下

之人乎乃表稱臣總帥大軍

帥 諸 曰 率

不敢徑入朝觀且懼

部落士卒侵擾渭北居人辛亥引兵東歸表至京師上

下始安詔賜河東士卒錢三十萬緡克用既去李茂貞

驕橫如故

橫下
孟翻

河西州縣多為茂貞所據

河西謂涼瓜
沙肅諸州

以其將胡敬璋為河西節度使

朱全忠之去兗州也

朱瑾死而
全忠還

留葛從周將兵守之朱瑾閉城不復出從周

將還乃揚言天平河東救兵至引兵西北邀之夜半潛

歸故寨瑾以從周精兵悉出果出兵攻寨從周突出奮

擊殺千餘人擒其都將孫漢筠而還加鎮海節度使

錢鏐兼侍中

彰義節度使張鐠薨以其子璉權知留

後

璉力
展翻

朱瑄朱瑾屢為朱全忠所攻民失耕稼財力

俱獎告急於河東李克用遣大將史儼李承嗣將數千

騎假道於魏以救之

史儼李承嗣自此遂與朱瑾入淮南矣

安州防禦

使家晟

姓苑家姓周大夫家父之後又魯公族有子家氏

與朱全忠親吏蔣玄

暉有隙恐及禍與指揮使劉士政兵馬監押陳可璠將

兵三千襲桂州殺經略使周元靜而代之

自安州遠襲桂州而克之

者江湘城邑荒殘守兵單弱道無邀截之患桂人不意其至遂殺其帥而代之璠孚袁翻

晟醉侮可

璠可璠手刃之推士政知軍府事可璠自為副使詔即

以士政為經略使玄暉吳人也

為劉陳又為馬殷所併張本

三年春正月西川將王宗夔攻拔龍州殺刺史田昉

此時

龍州當屬李茂貞昉方注翻

丁巳劉建鋒遣都指揮使馬殷將兵

討蔣勛攻定勝寨破之

去年蔣勛遣兵守定勝寨

辛未安仁義以

舟師至湖州欲度江應董昌

安仁義自潤州以舟師至湖州何從而度江哉蓋欲

自湖州舟行入柳浦而度西陵耳然錢鏐在杭未容得至西陵

錢鏐遣武勇都指揮使

顧全武都知兵馬使許再思守西陵仁義不能度昌遣

其將湯白守石城

會稽志石城山在山陰縣東北三十

袁邠守餘姚

閏月克用遣蕃漢都指揮使李存信

此又是一段起事克用之上當有李

字將萬騎假道于魏以救兗鄆軍于莘縣朱全忠使人

謂羅弘信曰克用志吞河朔師還之日貴道可憂存信

戢衆不嚴

戢則立翻

侵暴魏人弘信怒發兵三萬夜襲之存

信軍潰退保洺州喪士卒什二三

按九城志莘縣西距魏州九十里羅弘信

欲襲李存信亦必朝出軍而後能乘夜而至李存信之敗斥候不明故也喪息浪翻

委棄資糧兵

械萬數史儼李承嗣之軍隔絕不得還弘信自是與河

東絕專志於汴全忠方圖兗鄆畏弘信議其後弘信每

有贈遺

遺于季翻

全忠必對使者北向拜授之曰六兄於予

倍年以長固非諸鄰之比

授當作受羅弘信第六記曲禮年長以倍則父事之朱全

忠豈知禮者繆為恭敬以離并魏之交耳長知兩翻諸鄰謂與宣武鄰道諸帥也

弘信信之全

忠以是得專意東方

謂專意攻兗卿也

丁亥果州刺史張雄

降于王建

宋白曰果州南充郡劉璋初分墊江已上置巴郡理此建安六年璋改郡為巴西徙理閬

中今郡在嘉陵江之西魏平蜀於今州北三十七里石

苟堪置南宕渠郡其縣亦移就郡理隋廢郡併入閬中

復為巴西縣地仍移巴西縣理安漢城間皇十八年改

為南充縣唐武德四年分置果州以郡南八里有果山

為名二月戊辰顧全武許再思敗湯白於石城

敗補通翻下同

上用楊行密之請赦董昌復其官爵錢鏐不從以通

王滋判侍衛諸將事

通王滋
宣宗子

朱全忠薦兵部尚書張

濬上欲復相之李克用表請發兵擊全忠且言濬朝為

相臣則夕至闕庭

觀李克用此表謂
非脅君吾不信也

京師震懼上下詔

和解之

三月以天雄留後李繼徽為節度使保大

節度使李思孝表請致仕薦弟思敬自代詔以思孝為

太師致仕思敬為保大留後朱全忠遣龐師古將兵

伐鄆州敗鄆兵於馬頰

馬頰禹疏九河之一也水經注
濟水自須昌縣北逕魚山東左

合馬頰水水首受濟西北流歷安民山北又逕桃城東
又東北逕魚山南又東注于濟曰馬頰口敗補邁翻

遂抵其城下 已酉顧全武等攻餘姚明州刺史黃晟

遣兵助之董昌遣其將徐章救餘姚全武擊擒之 夏

四月辛酉河漲將毀滑州城朱全忠命決為二河夾滑城

而東為害滋甚 李克用擊羅弘信

報李存信之賊也

攻洹水

洹于元翻

殺魏兵萬餘人進攻魏州 武安節度使劉建鋒

既得志

小人之器易盈劉建鋒甫得長沙已得志矣

嗜酒不親政事長直兵

陳贍妻美建鋒私之贍袖鐵撾擊殺建鋒諸將殺贍迎

行軍司馬張佖為留後佖將入府馬忽蹊齧傷左髀

佖巨

乙翻踴大計
翻鑿五結翻

時馬殷攻邵州未下

是年正月劉建鋒
遣馬殷攻邵州

佖

謝諸將曰馬公勇而有謀寬厚樂善吾所不及真乃主

也

乃汝也
樂音洛

乃以牒召之殷猶豫未行聽直軍將姚彥章

說殷曰公與劉龍驤張司馬一體之人也

聽讀曰歷直
歷事之軍將

也劉建鋒張佖馬殷同在孫儒軍中儒敗三人者叶力
成軍以取湖南故彥章云然路振曰乾符中黃巢亂詔
遣忠武決勝指揮使孫儒龍驤指揮使劉建鋒戍淮西
隸秦宗權宗權為巢所敗遂降之儒等皆為所脅制

今龍驤遇禍司馬傷髀天命人望捨公尚誰屬哉

屬之
欲翻

殷乃使親從都副指揮使李瓊留攻邵州

從才
用翻

徑詣長

沙淮南兵與鎮海兵戰于皇天蕩

大江過昇州界沒以深廣自老鸛嘴

渡白沙橫闊三十餘里俗呼為皇天蕩是時淮南兵既敗浙兵於皇天蕩遂圍蘇州則非前所言皇天蕩矣宋熙寧二年崑山人鄭竄上疏言水利謂長洲縣界有長蕩黃天蕩其水上承湖下通海正淮浙兵戰處也鎮

海兵不利楊行密遂圍蘇州

錢鏐鍾傳杜洪畏楊行

密之彊皆求援於朱全忠

其後鍾杜皆不能保其土而錢氏獨傳子及孫以此知有

國有家者久近存乎其人

全忠遣許州刺史朱友恭將兵萬人度淮

聽以便宜從事

董昌使人覘錢鏐兵

覘丑廉翻

有言其彊

盛者輒怒斬之言兵疲食盡則賞之戊寅袁邠以餘姚

降於鏐顧全武許再思進兵至越州城下五月昌出戰

而敗嬰城自守全武等圍之昌始懼去帝號

去羌呂翻

復稱

節度使馬殷至長沙張佶肩輿入府坐受殷拜謁已

乃命殷升聽事以留後讓之即趨下帥將吏拜賀

坐受拜謁

留後受將校牙參之禮帥將吏拜賀行軍司馬賀新留後之禮帥請曰率

復為行軍司馬代

殷將兵攻邵州

癸未蘇州常熟鎮使陸郢以州城應

楊行密虜刺史成及行密閱及家所蓄惟圖書藥物賢

之歸署行軍司馬及拜且泣曰及百口在錢公所失蘇

州不能死敢求富貴願以一身易百口之死引佩刀欲

自刺

判七亦翻

行密遽執其手止之館於府舍

館古坑翻

其室中

亦有兵仗行密每單衣詣之與之共飲膳無所疑

使楊行密

待俘虜皆如成及不亦汎乎是必所有見也

錢鏐聞蘇州陷急召顧全武使

趨西陵備行密

趨七喻翻既恐其得蘇而乘勝攻杭又恐其自海道趨西陵也

全武曰

越州賊之根本奈何垂克棄之請先取越州後復蘇州

鏐從之

史言顧全武頗識用兵先後

淮南將朱延壽奄至蘄州圍

其城大將賈公鐸方獵不得還伏兵林中命勇士二人

衣羊皮夜入延壽所掠羊羣潛入城約夜半開門舉火

為應復衣皮反命

衣於既翻

公鐸如期引兵至城南門中火

舉力戰突圍而入延壽驚曰吾常恐其潰圍而出反潰

圍而入如此城安可猝拔乃自行密求軍中與公鐸有

舊者持誓書金帛往說之許以昏

說式萬翻

壽州團練副使

柴再用請行臨城與語為陳利害

為于偽翻

數日公鐸及刺

史馮敬章請降以敬章為左都押牙

淮南左都押牙也

公鐸為

右監門衛將軍

此是領環衛官舊宗光啓三年馮敬章陷蘄州至是降路振九國志曰骨鐸生

於上蔡叛秦宗權度淮遇故人馮敬章導之襲破
斬秦推敬章為帥鐸為牙將塹城礪兵以自固 延壽

進拔光州殺刺史劉存

楊行密自此全有淮南之地

丙戌上遣中

使詣梓州和解兩川王建雖奉詔還成都然猶連兵未

解 崔昭緯復求救於朱全忠戊子遣中使賜昭緯死

行至荆南追及斬之中外咸以為快

崔昭緯結郢岐以殺杜讓能章昭度

李谿卒亦以殺其身朋比為姦果何益哉

荆南節度使成汭與其將許存

沂江略地盡取濱江州縣武泰節度使王建肇棄黔州

收餘衆保豐都

豐都漢巴郡枳縣地後漢置平都縣因山以名縣也梁置臨江郡隋廢郡為縣

義寧二年分臨江置豐都縣唐屬忠州九城志在州西九十里存又引兵西取渝涪二

州汭以其將趙武為黔中留後存為萬州刺史汭知存

不得志使人詞之曰存不治州事日出蹴鞠汭曰存將

逃走先勻足力也

詞古迴翻又鞠正翻治直之翻蹴子六翻鞠居六翻蹴踴也鞠毬也顏師

古曰鞠以皮為之實以毛雀豹曰蹴鞠起黃帝習用兵之勢勻于淪翻

遣兵襲之存棄城

走

成汭不見容於張瓌而已又不能容許存忌賢疾能常人之情也

其衆稍稍歸之屯

于茅垠

垠必駕翻蜀人謂平川為垠宋白曰渝州江津縣有茅垠驛

趙武數攻豐都

王建肇不能守

文德元年王建肇得黔中節令敗走數所角翻

與存皆降于王

建建忌存勇略欲殺之掌書記高燭曰公方總攬英雄

以圖霸業彼窮來歸我奈何殺之建使戍蜀州陰使知

蜀州王宗綰察之宗綰密言存忠勇謙謹有良將才建

乃捨之更其姓名曰王宗播

更工
衡翻

而宗綰竟不使宗播

知其免已也宗播元從孔目官柳修業每勸宗播慎靜

以免禍

從才
用翻

其後宗播為建將遇彊敵諸將所憚者以

身先之

先悉
薦翻

及有功輒稱病不自伐由是得以功名終

甲午夜顧全武急攻越州乙未旦克其外郭董昌猶

據牙城拒之戊戌鏐遣昌故將駱團給昌云奉詔令大

王致仕歸臨安昌乃送牌印出居清道坊

今越州牙城外東街猶有

橋曰清道橋

己亥全武遣武勇都監使吳璋以舟載昌如杭

州至小江南斬之

據新書董昌溥小江西江也蓋錢清江也源出諸暨縣界東流過錢清鎮

又東入于海去越州四十五里又西至杭州八十里光啓三年董昌得越州至是而亡監古衛翻

并其

家二百餘人宰相李邕蔣瓌以下百餘人昌在圍城中

貪吝日甚口率民間錢帛

計口而率之

減戰士糧及城破庫

有雜貨五百間倉有糧三百萬斛錢鏐傳昌首於京師

散金帛以賞將士開倉以賑貧乏李克用攻魏博侵

掠徧六州

魏博貝衛
漕相六州

朱全忠召葛從周於鄆州使將兵

營洹水以救魏博

葛從周汴之驍將也沙陀
使於鞍馬故召使敵之

留龐師古

攻鄆州六月克用引兵擊從周汴人多鑿坎於陳前

陳讀

曰陣戰方酣克用之子鐵林指揮使落落馬遇坎而躓

躓陟

利汴人生擒之

考異曰唐太祖紀年錄薛居正五代
史武皇紀實錄禽落落皆在七月葛從

周李存信傳在五
月今從梁太祖紀

克用自往救之馬亦躓幾為汴人所

獲克用顧射汴將一人斃之

幾居依翻
射而亦翻

乃得免克用請

修好以贖落落全忠不許以與羅弘信使殺之

羅弘信既殺李

克用之子則與克用為深仇而汴魏之交益固矣此全忠之術也好呼到翻

克用引軍還葛

從周自洹水引兵濟河屯于楊劉復擊鄆

洹扶又翻

及兗鄆

河東之兵戰于故樂亭破之兗鄆屬城皆為汴人所據

屢求救於李克用克用發兵赴之為羅弘信所拒不得

前兗鄆由是不振

初李克用屯渭北

謂自鄆寧還屯渭北時也

李

茂貞韓建憚之事朝廷禮甚恭克用去

謂歸河東也

二鎮貢

獻漸疎表章驕慢上自石門還於神策兩軍之外更置

安聖捧宸保寧宣化等軍選補數萬人使諸王將之嗣
延王戒丕嗣覃王嗣周又自募麾下數千人茂貞以為
欲討已語多怨望嫌隙日構茂貞亦勒兵揚言欲詣闕
訟冤京師士民爭亡匿山谷上命通王滋及嗣周戒丕
分將諸軍以衛近畿戒丕屯三橋茂貞遂表言延王無
故稱兵討臣臣今勒兵入朝請罪

考異曰薛居正五代史五月制授茂貞

東川節度使仍命通王覃王治禁軍於闕下如茂貞違
詔即討之茂貞懼將赴鎮王師至興平夜自驚潰茂貞
因出乘之官軍大敗唐補紀曰五月朝廷除覃王為鳳
翔節度使除茂貞為興元節度使茂貞拒命不發亦無

向闕之心自是京國人心驚憂出投卸垆京城為之一空上潛謀行幸按實錄新舊紀諸書茂貞未嘗除東川薛史誤移鎮興元乃景福二年事唐補紀誤今從實錄

上遽遣使告急於河東丙寅

茂貞引兵逼京畿覃王與戰於婁館官軍敗績

婁館蓋在

京兆興平縣西 考異曰舊紀茂貞請入觀上令通王覃王延王分統四軍以衛近畿丙寅鳳翔軍犯京畿覃王拒之於婁館接戰不利實錄命延王帥神策諸軍於三橋防遏茂貞上言延王稱兵討臣臣有何罪言將朝觀丙寅李茂貞大軍犯京師覃王拒之於婁館王師戰不利新紀六月庚戌李茂貞犯京師嗣延王戒丕禦之丙寅及茂貞戰于婁館敗績今從舊紀

秋七月茂貞進逼京師

果如李克用之言

延王戒丕曰今關中藩鎮無可依者不若自鄜州濟河

幸太原

自鄜州濟河道汾隰至太原路甚回遠以韓建在華州李茂貞養子繼瑄在同州不敢由同州

出河中也

卿音夫

臣請先往告之辛卯詔幸鄜州壬辰上出至

渭北韓建遣其子從允奉表請幸華州上不許

華戶訛翻

以

建為京畿都指揮安撫制置及開通四面道路催促諸

道綱運等使而建奉表相繼上及從官亦憚遠去

從才用翻

癸巳至富平遣宣徽使元公訊召建面議去留甲午建

詣富平見上頓首涕泣言方今藩臣跋扈者非止茂貞

陛下若去宗廟園陵遠巡邊鄙臣恐車駕濟河無復還

期今華州兵力雖微控帶關輔亦足自固臣積聚訓厲

十五年矣

按韓建從鹿晏弘至興元之時僖宗在蜀遂奔行在中和四年也

也建刺華州當在此時至是纔十二年耳

西距長安不遠

九域志華州西至長安一百五十里

願陛下臨之以圖興復上乃從之乙未宿下邳丙申至

華州

九域志自富平至下邳三十五里自下邳至華州六十五里

以府署為行宮建

視事於龍興寺茂貞遂入長安自中和以來所葺宮室

市肆燔燒俱盡

黃巢之亂宮室燔毀中和以來留守王徽補葺粗完巢王之亂又為亂兵所焚

及僖宗還京復加完葺上出石門重

乙巳以中書侍郎

罹燒焚還又葺之至是為茂貞所燬

同平章事崔胤同平章事充武安節度使上以胤崔昭
緯之黨也故出之 丙午以翰林學士承旨尚書左丞

陸扆為戶部侍郎同平章事扆陝人也

扆隱宣翻
陝失冉翻

水部

郎中何迎

新書百官志水部郎中屬工部尚書掌津濟
船艫渠梁堤堰溝洫漁捕運漕碾磑之事此

時惟具官不復
能舉其職矣

表薦國子毛詩博士襄陽朱朴才如謝

安

唐制國子監置五經博士各二人掌以其經之學
教國子周易尚書毛詩左氏春秋禮記為五經

道

士許巖士亦薦朴有經濟才上連日召對朴有口辯上
悅之曰朕雖非太宗得卿如魏徵矣賜以金帛并賜何

迎以徐彥若為大明宮留守兼京畿安撫制置等使

楊行密表請上遷都江淮王建請上幸成都

皆欲迎天子挾

之以令諸侯

宰相畏韓建不敢專決政事八月丙辰詔建關議

朝政建上表固辭乃止

韓建非避權勢者目不知書故辭耳朝直遙翻上時掌翻

韓

建移檄諸道令共輸資糧詣行在李克用聞之歎曰去

歲從余言豈有今日之患

謂欲討李茂貞上不許也

又曰韓建天下

癡物為賊臣弱帝室

偽翻為于

是不為李茂貞所擒則為朱

全忠所虜耳因奏將與鄰道發兵入援

日將入援亦虛言耳

加

錢鏐兼中書令

癸丑以王建為鳳翔西面行營招討

使

欲使王建討李茂貞也

甲寅以門下侍郎同平章事王搏同

平章事充威勝節度使

先是已升浙東觀察使為威勝節度使方鎮表乾寧元年以乾

州置威勝軍節度參考下文則朝議以董昌已誅欲以王搏代鎮浙東然則此時藩鎮有兩威勝軍邪

上憤天下之亂思得奇傑之士不次用之國子博士朱

朴自言得為宰相月餘可致太平上以為然乙丑以朴

為左諫議大夫同平章事

考異曰舊傳曰朴厲儒木強無他才伎道士許巖士出

入禁中常依朴為姦利從容上前薦朴有經濟才昭宗召見對以經義甚悅即日拜平章事在中書與名公齒

筆札議論動為笑端唐補紀曰朴亦有文詞託識諸王下吏人以通意旨言方今宰相皆非時才致令宗社不安頻有傾動若使朴在相位月餘能致太平諸王以為然乃奉天聽翌日宣喚顧問機宜便入中書令參知政事諸相座愕然莫測聽其籌謀經四五月並無所聞遂取出嶺外按朴雖庸鄙恐不至如舊傳所云唐補史亦恐得之傳聞非詳實今從新傳朴為人庸鄙迂僻無他長制出中外大

驚

丙寅加韓建兼中書令

九月庚辰升福建為威

武軍以觀察使王潮為節度使

以湖南留後馬殷判

湖南軍府事殷以高郁為謀主郁揚州人也殷畏楊行密成汭之彊議以金帛結之高郁曰成汭不足畏也行

密公之讎

言馬殷從孫儒攻楊行密積年交戰已為仇讎

雖以萬金賂之安肯

為吾援乎不若上奉天子下奉士民訓卒厲兵以修霸

業則誰與為敵矣殷從之

史言馬殷能用高郁以保據湖南

崔胤出

鎮湖南

出崔胤為武安節度見上

韓建之志也胤密求援於朱全忠

且教之營東都宮闕表迎車駕全忠與河南尹張全義

表請上遷都洛陽全忠仍請以兵二萬迎車駕且言崔

胤忠臣不宜出外韓建懼復奏召胤為相遣使諭全忠

以且宜安靜全忠乃止乙未復以胤為中書侍郎同平

章事

在肩自此與朱全忠相為表裏 考異曰舊傳肩檢校兵部尚書嶺南東道節度使肩密致書全忠

求援全忠上書理之肩已至湖南復召拜平章事新傳昭緯以罪誅罷為武安節度使陸扆當國時南北司各樹黨結藩鎮肩素厚朱全忠委心結之全忠為言肩有功不宜處外故還相而逐扆按肩出為清海節度使在後非此年舊傳誤今從實錄 以翰林學士承旨兵部侍郎崔遠同平

章事遠珙弟璵之孫也

崔珙見二百四十六卷開成五年珙居勇翻璵音余

丁酉

貶中書侍郎同平章事陸扆為硤州刺史

考異曰舊傳曰九月覃王

率師送涂彥若赴鳳翔師之起也扆堅請曰播越之後國步初集不宜與近輔交惡必為他盜所窺加以親王統兵物議騰口無益於事祇貽後患昭宗已發兵怒扆沮議是月十九日責授硤州刺史師出果敗車駕出幸

按此乃景福二年杜讓能討鳳翔事時
崔胤恨宸代

宸未為相舊傳誤新傳亦同今從實錄

已上事見

誣宸云黨於李茂貞而貶之已亥以朱朴兼判

戶部凡軍旅財賦之事上一以委之以孫偓為鳳翔四

面行營都統又以前定難節度使李思諫為靜難節度

使兼副都統

皆欲使之討李茂貞難乃旦翻

以保大留後李思敬為

節度使河東將李存信攻臨清敗汴將葛從周於宗

城北

敗補邁翻下同

乘勝至魏州北門

九域志臨清縣在魏州北一百五十里宗城縣

在魏州西北一百七十里

冬十月壬子加孫偓行營節度招討處

置等使

處昌呂翻

丁巳以韓建權知京兆尹兼把截使

興曰

李巨川許國公勤王錄十月十日敕命公權知京兆尹并充把截使實錄作癸丑是月戊申朔今從勤王錄

戊午李茂貞上表請罪願得自新仍獻助修宮室錢

考

興曰舊紀實錄皆云茂貞進錢十五萬助修宮闕按十五萬乃百五十貫太少蓋脫貫字耳

韓建復

佐佑之

復扶又翻下同

竟不出師

錢鏐令兩浙吏民上表請

以鏐兼領浙東朝廷不得已復以王搏為吏部尚書同

平章事以鏐為鎮海威勝兩軍節度使

錢鏐自此遂跨有浙東西

丙

子更名威勝曰鎮東軍

更工衡翻

李克用自將攻魏州敗

魏兵於白龍潭

按薛史梁太祖紀乾元年九月丙辰幸魏縣戊辰幸邑西白龍潭則其地在

魏縣西也

追至觀音門

薛史魏州羅城西門曰觀音門晉天福五年閏三月改曰金明門

朱

全忠復遣葛從周救之屯于洹水全忠以大軍繼之克

用乃還

加河中節度使王珂同平章事十一月朱

全忠還大梁復遣葛從周東會龐師古攻鄆州 湖州

刺史李師悅求旌節詔置忠國軍於湖州以師悅為節

度使賜告身旌節者未入境戊子師悅卒楊行密表師

悅于前綿州刺史彥徽知州事

考興日實錄乾寧二年四月忠國節度使李

師悅卒以其孫彦徽知留
後今從新紀十國紀年

淮南將安仁義攻婺州

十二月東川兵焚掠漢眉資簡之境

漢眉資簡四州皆西川巡屬

清海節度使薛王知柔行至湖南廣州牙將盧琚譚弘

玘據境拒之使弘玘守端州弘玘結封州刺史劉隱許

妻以女隱偽許之託言親迎

玘起里翻妻七細翻迎魚敬翻

伏甲舟中

夜入端州斬弘玘遂襲廣州斬琚

按九域志自封州東南歷康州界而後至

端州自端州東至廣州二百四十里

具軍容迎知柔入視事

其軍容以迎新帥如承平

儀注知柔表隱為行軍司馬

資治通鑑卷二百六十

欽定四庫全書

資治通鑑卷二百六十一 宋 司馬光 撰

胡三省 音註

唐紀七十七

起強開大荒落盡
屠維協洽凡三年

昭宗聖穆景文孝皇帝中之上

乾寧四年春正月甲申韓建奏防城將張行思等

張行
思華

州防城將也
將即亮翻

告睦濟韶通彭韓儀陳八王

皆嗣王也睦
韶韓茂宗之

後彭肅宗之後陳文宗之
後史皆逸其名及其世系謀殺臣劫車駕幸河中建惡

諸王典兵

惡鳥路翻

故使行思等告之上大驚召建諭之建

稱疾不入令諸王詣建自陳建表稱諸王忽詣臣理所

不測事端

建言諸王為變事出不測也

臣詳酌事體不應與諸王相

見又稱諸王當自避嫌疑不可輕為舉措陛下若以友

愛含容請依舊制令歸十六宅妙選師傅教以詩書不

令典兵預政

援開元天寶舊制不令諸王出閣

且曰乞散彼烏合之兵

用光麟趾之化

詩序曰闕雎之化行雖哀世之公子皆信厚如麟趾之時

建慮上不

從引麾下精兵圍行宮

以兵脇君

表疏連上

上時掌翻

上不得已

是夕詔諸王所領軍士並縱歸田里諸王勒歸十六宅

其甲兵並委韓建收掌建又奏陛下選賢任能足清禍

亂何必別置殿後四軍

四軍即安聖捧宸保寧宣化也置見上卷上年

顯有厚

薄之恩乖無偏無黨之道

書曰無偏無黨王道蕩蕩韓建安識書語李巨川教之耳

宜其不免於誅也一本厚下更有有字

且所聚皆坊市無賴奸猾之徒平

居猶思禍變臨難必不為用

難乃旦翻

而使之張弓挾刃密

邇皇與臣竊寒心乞皆罷詔亦從之於是殿後四軍二

萬餘人悉散天子之親軍盡矣捧日都頭李筠石門扈

從功第一

石門扈從事見上
卷二年從才用翻

建復奏斬於大雲橋

復扶
又翻

大雲橋在華州大雲寺前武后時令天下諸
州各置大雲寺以藏大雲經皆受命之符也

建又奏玄

宗之末永王璘暫出江南遽謀不軌

事見肅宗紀至
德元載二載

代

宗時吐蕃入寇光啓中朱玫亂常皆援立宗支以繫人

望

謂吐蕃立廣武王承宏朱玫立襄
王愬也事各見前紀援于元翻

今諸王銜命四方

者乞皆召還

指言延王
戒至等

又奏諸方士出入禁庭眩惑聖

聰宜皆禁止無得入宮

指言許
巖士等

詔悉從之建既幽諸王

於別第知上意不悅乃奏請立德王為太子欲以解之

丁亥詔立德王祐為皇太子仍更名裕

更工衡翻
興曰勤王錄

考

公以儲副之設國之大本上表云云敕宜從允時正月十一日也當四月之間而儲君奉冢祀宗室歸藩邸蓮頭突鬚之士不入于禁門文成五利之徒不陳其左道君父開悟遐邇誅歌人不震驚市無易肆公之力也李巨川著書矯誣善惡乃至於此今從實錄

龐師古葛從周併兵攻鄆州朱

瑄兵少食盡不復出戰但引水為深壕以自固辛卯師

古等營於水西南命為浮梁癸巳潛決濠水丙申浮梁

成師古夜以中軍先濟瑄聞之弃城奔中都

按九域志
中都縣在

鄆州東南
六十里

葛從周逐之野入執瑄及妻子以獻

僖宗中
和二年

朱瑄得鄆州至是而亡考異曰薛居正五代史梁太祖紀辛卯營于濟水之次龐師古令諸將撤木為橋乙未夜師古以中軍先濟朱瑄弃壁夜走葛從周擒瑄并妻男以獻按濟水自王莽時大旱不復能絕河而南自是河南無濟水編遺錄曰五月遣騎於鄆州軍前追從周徑往洹水董師以代侯言師古留攻鄆梁太祖實錄四年正月復以洹水之師大舉伐鄆十五日辛卯營其西南河外龐師古命諸將撤木為橋以圖宵濟癸巳前軍以心膂百人盜決河口甲午浮橋集水次乙未夜師古中軍先濟聲振壁內朱瑄聞之弃壁走編遺錄四年正月己卯朱瑄兵少糧盡不敢出戰然深溝高壘難越也從周師古乃取清河內小舟採野葛草茅索之以為巨纜乃於其牆南建浮橋丙申功就我師渡橋朱瑄奔遁皆不云濟水師古去年三月己敗鄆兵于馬頰追至西門據故洛亭子為寨乙未夜先濟蓋鄆城下清河水疑朱瑄引之以環城固守故師古等為浮橋以濟師河

既可決明非自然之水也舊紀癸未龐師古陷鄆州朱
瑄與妻榮氏潰圍走瑄至中都為野人所殺榮氏俘於
軍新紀丙申全忠陷鄆州實錄二月丙午朔陷鄆州瑄
至中都為亂兵所殺妻榮至汴為尼據薛史辛卯營於
濟水則癸未鄆未破也新紀云丙申陷鄆
實錄二月蓋約奏到今從編道錄新紀

巳亥罷孫

偃鳳翔四面行營節度等使

赦李茂貞故羅鳳翔西面行營

以副都統

李思諫為寧塞節度使

按方鎮表光化元年更延州保塞節度為寧塞節度

錢

鏐使行軍司馬杜稜救婺州安仁義移兵攻睦州不克

而還

安仁義攻婺州見上卷上年還從宣翻又如字

朱全忠入鄆州以龐師

古為天平留後

考異曰舊紀梁太祖實錄薛居正五代史師古傳皆云師古為鄆州留後編

遺錄薛史梁紀皆云友裕按編遺錄三月丙子以友裕為鄆州留後師古為徐州留後蓋初以師古守鄆州後以友裕代之而徙師古於徐州也朱瑾留大將康懷貞守兗州與河東

將史儼李承嗣掠徐州之境以給軍食

九域志兗州南一百一十里即

徐州界

全忠聞之遣葛從周將兵襲兗州懷貞聞鄆州已

失守汴兵奄至遂降二月戊申從周入兗州獲瑾妻子

朱瑾還無所歸帥其衆趨沂州刺史尹處賓不納走保

海州

降戶江翻帥讀曰率趨七喻翻九域志兗州三百四十五里東至沂州沂古琅邪也沂州東至海州

一百八十里

為汴兵所逼與史儼李承嗣擁州民度淮奔楊

行密

光啓二年朱瑾取兗州至是而敗

行密逆之於高郵表瑾領武寧

節度使

領送

全忠納瑾之妻引兵還張夫人逆於封丘

凡城志封丘縣在汴州北六十里

全忠以得瑾妻告之夫人請見之瑾

妻拜夫人答拜且泣曰兗鄆與司空同姓約為兄弟以

小故恨望起兵相攻使吾妣辱於此它日汴州失守吾

亦如吾妣之今日乎

妣詳里翻長婦曰妣又兄弟之妻相呼曰妣互相尊稱之辭也

全

忠乃送瑾妻於佛寺為尼斬朱瑄于汴橋于是鄆齊曹

棟兗沂密徐宿陳許鄭滑濮皆入于全忠

鄆齊曹棟天平軍兗沂密

秦寧軍徐宿感化軍陳許忠武軍
鄭滑濮宣義軍此五鎮之地也

惟王師範保淄青一

道亦服於全忠李存信在魏州聞兗鄆皆陷引兵還淮

南舊善水戰不知騎射及得河東兗鄆兵軍聲大振史

儼李承嗣皆河東驍將李克用深惜之遣使間道詣楊

行密請之

問古
蒐翻

行密許之亦遣使詣克用修好

好呼
到翻

戊午王建遣邛州刺史華洪彭州刺史王宗祐將兵五

萬攻東川

邛渠容翻
華戶化翻

以戎州刺史王宗謹為鳳翔西面

行營先鋒使敗鳳翔將李繼徽等於玄武

玄武漢氏道
縣晉改曰玄

武唐初屬益州時屬梓州宋朝改曰中江在梓州西九十里敗蒲邁翻 繼徽本姓楊名崇

本茂貞之假子也

已未赦天下

考典曰實錄降德音曲赦天下云德音

即非赦既云曲赦即不及天下實錄誤也

上饗行廟

時駐蹕華州太常禮院請權立行廟以備

饗告

庚申王建以決雲都知兵馬使王宗侃為應援開

峽都指揮使將兵八千趨渝州決勝都知兵馬使王宗

阮為開江防送進奉使將兵七千趨瀘州辛酉宗侃取

渝州降刺史牟崇厚癸酉宗阮拔瀘州斬刺史馬敬儒

峽路始通

渝瀘皆東川巡屬王建志在廣地假通峽路進奉以為名耳趨七喻翻

鳳翔將

李繼昭救梓州留偏將守劔門西川將王宗播擊擒之

乙亥門下侍郎同平章事孫偓罷守本官中書侍郎

同平章事朱朴罷為祕書監朴既秉政所言皆不效

朱朴

自說月餘可致太平見上卷上年

外議沸騰太子詹事馬道殷以天文

將作監許巖士以暨得幸於上韓建誣二人以罪而殺

之且言偓朴與二人交通故罷相

馬道殷許巖士在上下左右二相因之以白

事此必有之

詔以楊行密為江南諸道行營都統以討武

昌節度使杜洪

按新書洪傳洪附朱全忠絕東南貢獻路命楊行密討之者以此

張

信克邵州擒蔣勛

潭兵攻蔣勛事始上卷三年正月信巨乙翻

三月丙子

朱全忠表曹州刺史葛從周為泰寧留後朱友裕為天

平留後龐師古為武寧留後

朱全忠表以三鎮授三將以樹黨此時蓋復改威化

為武寧

保義節度使王珙攻護國節度使王珂珂求援

於李克用珙求援於朱全忠宣武將張存敬楊師厚敗

河中兵於猗氏南河東將李嗣昭敗陝兵於猗氏又敗

之於張店遂解河中之圍

敗補邁翻陝失冉翻

師厚斤溝入

九城志穎

州萬壽縣有斤溝鎮萬壽唐汝陰縣之百口鎮也宋朝開寶六年置縣

嗣昭克用弟克柔

之假子也

更名感義軍曰昭武

更工衡翻

治利州以前靜

難節度使蘇文建為節度使

難乃旦翻

夏四月以同州防

禦使李繼瑋為匡國節度使

考異曰實錄賜同州號匡國軍以防禦使李繼瑋

為匡國節度使按新方鎮表乾寧二年賜同州號匡國軍王行約已嘗為匡國節度使蓋行約死繼瑋但為防

禦使今始復舊名耳

繼瑋茂貞之養子也

以右諫議大夫李洵

為兩川宣諭使和解王建及顧彥暉

辛亥錢鏐遣顧

全武等將兵三千自海道救嘉興已未至城下擊淮南

兵大破之

淮南圍嘉興始上卷二年

杜洪為楊行密所攻求救於

朱全忠全忠遣其將聶金掠泗州

聶尼輒翻姓也

朱友恭攻黃

州行密遣右黑雲都指揮使馬珣等救黃州黃州刺史

瞿章聞友恭至弃城擁衆南保武昌寨

武昌漢古縣唐屬鄂州九域志

在州東北一百八十里今置壽昌軍

癸亥兩浙將顧全武等破淮南十

八營虜淮南將士魏約等三千人淮南將田頔屯驛亭

埭

埭徒耐翻

兩浙兵乘勝逐之甲戌頔自湖州奔還

自嘉興退軍取

道湖州還宣州

兩浙兵追敗之

敗補邁翻

顧衆死者千餘人

韓建

惡刑部尚書張禕等數人皆誣奏貶之

惡烏路翻禕吁韋翻考異曰實

錄貶刑部尚書張緯趙崇蘇循等為衡州司馬韓建惡之誣奏貶馬緯等必不皆為刑部尚書皆貶衡州司馬

實錄誤也

五月加奉國節度使崔洪同平章事 辛巳朱

友恭為浮梁於樊港

武昌西三里有樊山山下有樊溪注于江謂之樊口朱友恭蓋跨江

為浮梁抵樊口以攻武昌也

進攻武昌寨壬午拔之執瞿章遂取黃

州

考異曰薛居正五代史梁紀五月丁丑朱友恭遣使上言大破淮寇於益昌收復黃鄂二州新紀壬午

全忠陷黃州刺史瞿章死之朱友恭傳云瞿章十國紀年作瞿章吳錄云執刺史瞿章當可据

馬珣等

皆敗走

丙戌王建以節度副使張琳守成都

張琳王建之腹

心建之攻陳敬瑄也亦使之守邛州

自將兵五萬攻東川更華洪姓名曰

王宗滌

華洪累戰有功王建於是養以為子以收其力用然殺洪之心蓋已萌於此時矣華戶化翻

六月己酉錢鏐如越州受鎮東節鉞

李茂貞表王

建攻東川連兵累歲不聽詔命

王建宣特攻東川哉李茂貞山南巡屬諸州建

取之亦多矣力不能制欲挾天子之令以臨之

甲寅貶建南州刺史

新志武德三年開黔

南蠻置南州宋白曰南州戰國時為巴國界秦則巴郡之地漢為江州之境唐武德三年割渝州之東界置南

州乙卯以茂貞為西川節度使以覃王嗣周為鳳翔節

度使癸亥王建克梓州南寨執其將李繼寧丙寅宣諭

使李洵至梓州

四月李洵受命而使六月始至

己巳見建于張杞砦建

指執旗者曰戰士之情不可奪也 覃王赴鎮李茂貞

不受代

李茂貞之狡悍豈肯以鳳翔授人涉險而爭蜀邪

圍覃王於奉天 置

寧遠軍於容州以李克用大將蓋寓領節度使

李克用之平王

行瑜也蓋寓以功領容管觀察使今升領節度使

秋七月加荆南節度使成

汭兼侍中

韓建移書李茂貞茂貞解奉天之圍覃王

歸華州 以天雄節度使李繼徽為靜難節度使

李繼徽自

秦州徙邠州邠寧亦為李茂貞有矣難乃旦翻

庚戌錢鏐還杭州

自越還杭

遣顧

全武取蘇州乙未拔松江

松江在蘇州南四十里淮南立寨以守之戊戌拔

無錫

無錫漢縣唐屬常州九域志在州東九十一里

辛丑拔常熟華亭

宋白曰常熟縣

後漢至吳為司鹽都尉晉置南沙縣梁置常熟縣今崑山縣東一百三十里常熟故城是也九域志在蘇州北

七十五里天寶十載分嘉興置華亭縣屬蘇州在州西南今屬秀州

初李克用取幽州

見二百五十九卷乾寧元年

表劉仁恭為節度使留戍兵及腹心將

十人典其機要租賦供軍之外悉輸晉陽及上幸華州

克用徵兵於仁恭又遣成德節度使王鎔義武節度使

王郜書

通唯李嗣郜音告

欲與之共定關中奉天子還長安仁

恭辭以契丹入寇

洪遵曰契丹之請如喫惟新唐書有音今從欺訖翻

須兵扞禦

請俟虜退然後承命克用屢趣之

趣讀日促

使者相繼數月

兵不出克用移書責之仁恭抵書於地慢罵囚其使者

欲殺河東戍將戍將遁逃獲免

克用留兵戍幽州見上卷乾寧二年

克用

大怒八月自將擊仁恭

為克用計者先舉河東之甲以勤王事定之後然後移兵臨燕

以問罪劉仁恭安所逃其死乎不知出此遽興忿兵其賊宜矣

上欲幸奉天親討李

茂貞令宰相議之宰相切諫乃止

議者率謂昭宗忿不思難然亦可悲矣

延王戒丕還自晉陽

戒丕使晉陽見上卷上年

韓建奏自陛下即

位以來與近輔交惡

近輔郃岐同華也

皆因諸王典兵凶徒樂

禍

樂音洛

致鑾輿不安比者臣奏罷兵權

比毗至翻近也

實慮不

測之變今聞延王覃王尚苞陰計願陛下聖斷不疑

丁斷

亂制於未亂

周書云制治於未亂建泰引之李巨川之辭也

則社稷之福

韓建欲殺

諸王久矣憚李克用故未敢發延王既還知克用之兵不能至故決請殺之

上曰何至於是

數日不報建乃與知樞密劉季述矯制發兵圍十六宅

諸王被髮或緣垣或升屋呼曰宅家救兒

被皮義翻呼火故翻唐末

宮中率稱天子曰宅家

建擁遁沂睦濟韶彭韓陳覃延丹十一王

至石隄谷盡殺之

石隄谷在華州西歐陽脩集古錄云徽阮君祠今謂之五部神廟其象有

石隄西戍樹谷五樓先生東臺御史王翦將軍莫曉其義其碑云石隄樹谷南通商雒又云前世通利吏民興貴有御史大夫將軍牧伯故為立祠以報其功乃知五部之號自漢有之如此則石隄者石隄谷之神五部神之一也唐韓建殺諸王於石隄谷蓋此谷也散阮神祠在華州鄭縣考異曰舊紀是日通覃以下十一王并其侍者皆為建兵所擁至石隄谷無長少皆殺之唐補紀曰六宅諸王准前商量請置殿後都韓建怨怒進狀爭論與諸王互說短長上乃縛韓王克良已下十人送韓建府建以棘刺圍於大廳經宿不與相見軍吏諫遂請諸王歸宮散却殿後都新紀八月韓建殺通王滋沂王湮韶王彭王嗣韓王嗣陳王嗣覃王嗣周嗣延王戒丕嗣丹王允按舊紀韓建奏睦王濟王韶王通王彭王韓王儀王陳王八人新宗室傳初帝遣嗣延王戒丕嗣丹王允往見李克用又有覃王嗣周則是十一人新紀傳儀作沂按昭宗子祗封沂王不應更封宗室舊紀儀

裡恐可据

以謀反聞

貶禮部尚書孫偓為南州司馬秘書

監朱朴先貶夔州司馬再貶郴州司戶

考異曰實錄朴貶郴州司戶

薛廷珪鳳閣書詞有朴自秘書監責除蜀王傅分司東都制云芭藏莫顧於朝綱進見不由於相府復云猶希顧問之間來挽澄清之化又貶渠州司馬制云爭臣餘奏憲府極言指陳負固之謀忿嫉崇姦之計與此稍異今從實錄朴之為相何迎驟遷至右諫議大夫至是亦貶湖

州司馬

何迎薦朱朴見上卷上年

鍾傳欲討吉州刺史襄陽周珙

珙帥其衆奔廣陵

珙部浼翻又蒲昧翻帥讀曰率

王建與顧彥暉五

十餘戰九月癸酉朔圍梓州蜀州刺史周德權言於建

曰公與彥暉爭東川三年士卒疲於矢石百姓困於輸

輓

輓音晚

東川羣盜多據州縣彥暉懦而無謀欲為渝安

之計皆啗以厚利

啗徒監翻

恃其救援故堅守不下今若遣

人諭賊帥以禍福

帥所類翻

來者賞之以官不服者威之以

兵則彼之所恃反為我用矣建從之彥暉勢益孤德權

許州人也

丁丑李克用至安塞軍

安塞軍在蔚州之東鳩州之西新志

幽州丁零川西南有安塞軍

辛巳攻之幽州將單可及引騎兵至

單上

演翻姓也又都寒翻亦姓也元魏孝文帝改代北內入諸渴單氏為單氏

克用方飲酒前鋒

白賊至矣克用醉曰仁恭何在對曰但見可及輩克用

瞋目曰

瞋昌真翻

可及輩何足為敵亟命擊之是日大霧不

辨人物幽州將楊師侃伏兵於木瓜澗

據新書木瓜澗亦在蔚州界

河東兵大敗失亡大半

史言李克用輕敵又不得天時故敗

會大風雨震

電幽州兵解去

史言克用敗而得免者亦天也

克用醒而後知敗責大

將李存信等曰吾以醉廢事汝曹何不力爭

邢州之叛草縣之潰

木瓜澗之敗皆李存信之罪也

湖州刺史李彥徽欲

以州附於楊行密

去年楊行密表彥徽知湖州故欲附之

其衆不從彥徽

奔廣陵都指揮使沈攸以州歸錢鏐

錢鏐自此遂有湖州

以彰

義節度使張璉為鳳翔西北行營招討使以討李茂貞

復以王建為西川節度使同平章事加義武節度使

王郜同平章事削奪新西川節度使李茂貞官爵復姓

名宋文通

始以李茂貞之請而討王建既而又以茂貞拒命赦王建而討茂貞朝廷號令朝出而暮

改諸侯其孰尊而信之皇威不振自取之也李茂貞賜姓名見二百五十六卷光啓二年

朱全忠

既得兗鄆甲兵益盛乃大舉擊楊行密遣龐師古以徐

宿宋滑之兵七萬壁清口

清口即今之清河口

將趨揚州

趨七喻翻下同

葛從周以兗郕曹濮之兵壁安豐將趨壽州

安豐漢六縣故城在

縣南後漢置安豐縣至唐屬壽州九域志曰安豐縣在州東南六十餘里蓋唐之壽州治壽春縣即六朝壽陽之地五代之末周世宗克壽州徙治下蔡故宋朝安豐在壽州東南全忠自將屯宿州淮

南震恐

匡國節度使李繼瑋聞朝廷討李茂貞而懼

韓建復從而搖之

復扶又翻

繼瑋奔鳳翔冬十月以建為鎮

國匡國兩軍節度使

韓建始魚有同華

壬子知遂州侯紹帥

衆二萬乙卯知合州王仁威帥衆千人戊午鳳翔李繼

溥以援兵二千皆降于王建

帥諱日率

建攻梓州益急庚申

顧彥暉聚其宗族及假子共飲遣王宗弼自歸于建

王宗

弼為東川兵所擒
事見上卷二年

酒酣命其假子瑤殺已及同飲者然

後自殺

僖宗光啓三年顧彥朗得東川傳至弟彥暉至是而滅

建入梓州

乾寧二年王建

始攻東川蓋三年而後克之

城中兵尚七萬人建命王宗綰分兵徇

昌普等州以王宗滌為東川留後

劉仁恭奏稱李克

用無故稱兵見討本道大破其黨于木瓜澗請自為統

帥以討克用

帥所類

詔不許又遣朱全忠書

遺唯李綰

全忠奏

加仁恭同平章事朝廷從之仁恭又遣使謝克用陳去

就不自安之意克用復書略曰今公仗鉞控兵理民立

法擢士則欲其報德選將則望彼酬恩已尚不然人何

足信

克用言仁恭背已入亦將背之也將即亮翻

僕料猜忌出於骨肉嫌忌

生於屏帷持干將而不敢授人捧盟盤而何詞著誓

甲子立皇子祕為景王祚為輝王祺為祁王 加彰義

節度使張璉同平章事 楊行密與朱瑾將兵三萬拒

汴軍於楚州別將張訓自漣水引兵會之

乾寧二年楊行密始取漣

水令張訓守之

行密以為前鋒龐師古營於清口或曰營地汙

下不可久處不聽

汧烏瓜翻
處昌呂翻

師古恃衆輕敵居常奕棊

朱瑾壅淮上流欲灌之或以告師古師古以為惑衆斬

之十一月癸酉瑾與淮南將侯瓚

瓚才
早翻

將五千騎潛度

淮用汴人旗幟自北來趣其中軍

趣七
喻翻

張訓踰柵而入

士卒蒼黃拒戰淮水大至汴軍駭亂行密引大軍濟淮

與瑾等夾攻之汴軍大敗斬師古及將士首萬餘級餘

衆皆潰葛從周營於壽州西北壽州團練使朱延壽擊

破之退屯濠州聞師古敗奔還行密瑾延壽乘勝追之

及於泚水

水經注泚水出廬江潛縣西南霍山東北入東北過六縣東又西北過安豐縣故城西北

入于淮類篇泚必至切水名在弋陽按今泚河在來遠鎮西十里來遠鎮即東正陽也東至壽州二百里從

周半濟淮南兵擊之殺溺殆盡從周走免過後都指揮

使牛存節奔馬步鬪諸軍稍得濟淮凡四日不食會大

雪汴卒緣道凍餒死還者不滿千人全忠聞敗亦奔還

行密遺全忠書曰龐師古葛從周非敵也公宜自來淮

上決戰

遺于季翻

行密大會諸將謂行軍副使李承嗣曰始

吾欲先趣壽州

趣七喻翻

副使云不如先向清口師古敗從

周自走今果如所料賞之錢萬緡

賞其勝算先定

表承嗣領鎮

海節度使行密待承嗣及史儼甚厚第舍姬妾咸選其

尤者賜之故二人為行密盡力屢立功竟卒於淮南

為于

偽翻卒于恤翻史言楊行密能用入安仁義亦涉阨也行密待之非不厚而終叛於行密狼子野心固自有難

馴養者

行密由是遂保據江淮之間全忠不能與之爭

戊寅立淑妃何氏為皇后后東川人生德王輝王 威

武節度使王潮弟審知為觀察副使有過潮猶加捶撻

捶止榮翻

審知無怨色潮寢疾捨其子延興延虹延豐延休

命審知知軍府事十二月丁未潮薨審知以讓其兄泉
州刺史審邽審邽以審知有功辭不受審知自稱福建
留後表于朝廷 壬戌王建自梓州還戊辰至成都是
歲南詔驃信舜化有上皇帝書函及督爽牒中書木夾
年號中興朝廷欲以詔書報之王建上言南詔小夷不
足辱詔書臣在西南彼必不敢犯塞從之黎雅間有淺
蠻曰劉王郝王楊王各有部落黎雅西南大山長谷皆蠻居之所在深遠而三
王部落居近漢西川歲賜繒帛三千匹使覘南詔亦受
界故曰淺蠻

南詔賂詞成都虛實

緇慈陵翻覘丑廉翻又丑
艷翻詞古迥翻又翻正翻

每節度

使到官三王帥酋長詣府

帥請曰率酋慈
由翻長知兩翻

節度使自謂

威德所致表于朝廷而三王陰與大將相表裏節度使

或失大將心則教諸蠻紛擾先是節度使多文臣

先慈
薦翻

不欲生事故大將常藉此以邀姑息而南詔亦憑之屢

為邊患及王建鎮西川絕其舊賜斬都押牙山行章以

懲之

山行章陳田舊將王建因其與淺蠻表
裏而斬之既以威示諸蠻亦除舊務盡

叩峽之南

不置障候不成一卒

謂叩峽闕
以南也

蠻亦不敢侵盜其後遣

王宗播擊南詔三王漏洩軍事名而斬之

史言安邊之術惟洞知近

塞蕃落情偽而折其姦則外夷不敢有所侮而動

右拾遺張道古上疏稱國

家有五危二亂昔漢文帝即位未幾明習國家事

幾居宣

見十三卷漢

今陛下登極已十年

帝文德元年踐阼至此十年若以即位踰

年改元數之則九年

而曾不知為君馭臣之道太宗內安中原外

開四夷海表之國莫不入臣今先朝封域日蹙幾盡

幾居

翻依

臣雖微賤竊傷陛下朝廷社稷始為奸臣所弄終為

賊臣所有也

漢唐之亡誠如張道古之言

上怒貶道古施州司戶

宋白

曰施州漢巫縣地吳大帝分巫縣立沙渠縣後周建德三年於此置施州唐因之舊志施州京師南二千七百里仍下詔罪狀道古宣示諫官

昭宗處艱危之中猶道罪言者具亡宜矣

古青州人也

張道古見於通鑑者惟此事著其州里蓋傷之

光化元年

是年八月還京方改元

春正月兩浙江西武昌淄青各

遣使詣闕請以朱全忠為都統討楊行密

兩浙錢鏐江西鍾傳武昌

杜洪淄青王師範皆憚楊行密之強而黨附朱全忠者也

詔不許加平盧節度使

王師範同平章事

淄青平盧軍

以兵部尚書劉崇望同平

章事充東川節度使以昭信防禦使馮行襲為昭信節

度使

方鎮表光化元年置昭信防禦使治金州與此異

上下詔罪已息兵復

李茂貞姓名官爵應諸道討鳳翔兵皆罷之

韓建之志也

壬辰河中節度使王珂親迎於晉陽

迎魚敬翻

李克用遣其

將李嗣昭守河中

李茂貞韓建皆致書於李克用言

大駕出幸累年乞修和好

好呼到翻

同獎王室兼乞丁匠助

修宮室克用許之

初王建攻東川顧彥暉求救於李

茂貞茂貞命將出兵救之

事見上

不暇東逼乘輿詐稱改

過與韓建共翼戴天子又聞朱全忠營洛陽宮累表迎

車駕茂貞韓建懼請修復宮闕奉上歸長安詔以韓建

為修宮闕使

考異曰實錄建以行宮卑庫無眺覽之所表獻城南別墅建初修南莊起樓觀疏

池沼欲為南內行廢立之事其叔父豐見其跋扈謂建曰汝陳許間一民乘時危亂位至方鎮不能感君父之惠而欲以同華兩州百里之地行廢立覆族在旦莫矣吾不如先自裁免為汝所累由是建稍弭其志及李茂貞表請助營宮苑又聞朱全忠繕治洛陽累表迎駕建懼故急營葺長安率諸道助役而又親程功焉按建若欲廢立何必先營南內今不取諸道皆助錢及工材建使都將蔡敬思

督其役既成二月建自往視之錢鏐請徙鎮海軍於

杭州從之

鎮海軍本治潤州今徙軍額於杭州

復以李茂貞為鳳翔節

度使 三月己丑以王審知充威武留後 朱全忠遣

副使萬年韋震入奏事求兼鎮天平朝廷未之許震力

爭之

穆敬以後威令已不振然藩鎮所遣奏事官不敢力爭於朝也

朝廷不得已以全

忠為宣武宣義天平三鎮節度使全忠以震為天平留

後以前台州刺史李振為天平節度副使

按歐史李振傳振為金吾

衛將軍拜台州刺史盜起浙東不果行乃西歸過汴以策于朱全忠全忠留之遂為全忠用

振抱真

之曾孫也

代德之間李抱真鎮昭義有大功

淮南將周本救蘇州兩

浙將顧全武擊破之淮南將秦裴以兵三千人拔崑山

而戌之

崑山漢婁縣地梁分婁縣置信義縣又分信義置崑山縣取縣界崑山為名唐屬蘇州九域志

在州東七十里

以潭州刺史判湖南軍府事馬殷知武安留

後時湖南管内七州賊帥楊師遠據衡州唐世旻據永

州蔡結據道州陳彥謙據郴州魯景仁據連州

路振元國志唐

旻蔡結皆以郡人聚兵據郡陳彥謙桂陽人殺刺史黃岳據郴州魯景仁本從黃巢以病留連州遂據之帥所

類翻抑丑林翻

殷所得惟潭邵而已

為馬殷盡取諸州張本

義昌節度

使盧彥威性殘虐又不禮於鄰道與盧龍節度使劉仁

恭爭鹽利仁恭遣其子守文將兵襲滄州彥威弃城挈

家奔魏州羅弘信不納乃奔汴州

光啓元年盧彥威得滄景至是而亡

仁

恭遂取滄景德三州以守文為義昌留後仁恭兵勢益

盛

併幽滄兩鎮之兵故勢益盛

自謂得天助有併吞河朔之志為守

文請旌節

為于偽朝下為吾同

朝廷未許會中使至范陽仁恭語

之曰

語牛倨朝

旌節吾自有之但欲得長安本色耳何為累

章見拒為吾言之其悖慢如此

悖滿內朝又滿沒朝

朱全忠與

劉仁恭修好

好呼利朝

會魏博兵擊李克用夏四月丁未全

忠至鉅鹿城下敗河東兵萬餘人逐北至青山口

五代志耶

州龍岡縣隋文帝開皇十六年置青山
縣煬帝大業初省入龍岡敗補遺翻
以護國節度使

王珂兼侍中

珂立何翻

丁卯朱全忠遣葛從周分兵攻洺

州戎辰拔之斬刺史邢善益 五月己巳朔赦天下

葛從周攻邢州刺史馬師素奔城走辛未磁州刺史袁

奉滔自剄全忠以從周為昭義留後守邢洺磁三州而

還

并洺自此歲爭邢洺磁三州

以武定節度使李繼密為山南西

道節度使

李繼密自洋州徙興元

朝廷聞王建已用王宗滌為

東川留後乃召劉崇望還為兵部尚書仍以宗滌為留

後 湖南將姚彥章言於馬殷請取衡永道連郴五州

仍薦李瓊為將殷以瓊及秦彥暉為嶺北七州游奕使

張圖英李唐副之

五州州潭
即為七

將兵攻衡州斬楊師遠引

兵趣永州

趣七
喻翻

閏之月餘唐世旻走死殷以李唐為永

州刺史

六月以濠州刺史趙珣為忠武節度使珣

之弟也

珣况羽翻
準昌牛翻

秋七月加武貞節度使雷滿同平

章事

方鎮表光化元年置武貞節
度領澧朗淑三州治澧州

加鎮南節度使鍾傳

兼侍中

忠義節度使趙匡凝聞朱全忠有清口之敗

忠義軍山南東道清口之敗見去年十一月

陰附於楊行密全忠遣宿州刺

史尉氏氏叔琮將兵伐之丙申拔唐州擒隋州刺史趙

匡璘敗襄州兵於鄧城

敗補漢翻

八月庚戌改華州為興

德府

以車駕駐蹕故也

戊午汴將康懷貞襲鄧州克之擒刺

史國湘趙匡凝懼遣使請服於朱全忠全忠許之

為朱全忠

再攻趙匡凝張本

己未車駕發華州壬戌至長安甲子赦天

下改元

改元光化

上欲藩鎮相與輯睦以太子賓客張有孚

為河東汴州宣慰使賜李克用朱全忠詔又令宰相與

之書使之和解克用欲奉詔而恥於先自屈乃致書王

鎔使通於全忠全忠不從

朱全忠兵力方強故不從

九月乙亥加

韓建守太傅興德尹

先是上駐蹕華州因以華州為興德府

加王鎔兼中

書令羅弘信守侍中

己丑東川留後王宗滌言於王

建以東川封疆五千里文移往還動踰數月請分遂合

瀘渝昌五州別為一鎮建表言之 顧全武攻蘇州城

中及援兵食皆盡甲申淮南所署蘇州刺史臺濠弃城

走

金城湯池非粟不守臺濠雖淮南良將奈之何哉

援兵亦遁全武克蘇州

乾寧

三年淮南陷蘇州今果追敗周本等于望亭九域志常州無錫縣

如顧全武之言而復之有望亭鎮在蘇州北四十五里又四十五里至無錫取補邁翻獨秦裴守崑山不下全

武帥萬餘人攻之帥請曰率裴屢出戰使病者被甲執矛壯

者發弓弩全武每為之却見其弓弩之力及遠故為之却全

武檄裴令降降戶江全武嘗為僧裴封函納款全武喜

召諸將發函乃佛經一卷全武大慙曰裴不憂死何暇

戲予益兵攻城引水灌之城壞食盡裴乃降錢鏐設千

人饌以待之饌雖曉翻又雖戀翻乃出乃當羸兵不滿百人觀通鑑上

文秦裴以三千人取崑山而守之及其降也羸兵不滿百人則其兵死於戰守者殆盡其存者僅三十之一耳

鏐怒曰單弱如此何敢久為旅拒

旅衆也怙衆而拒捍曰旅拒

對曰

裴義不負楊公今力屈而降耳非心降也鏐善其言顧

全武亦勸鏐宥之鏐從之時人稱全武長者

顧全武甚識而度所

以能佐錢鏐保據一方長知兩翻

魏博節度使羅弘信薨

考異曰薛居正五

代史梁紀弘信傳太祖紀年錄皆云弘信八月卒按八月昭宗還京弘信猶加官舊紀傳九月卒今從之實錄

十月約奏到也

軍中推其子節度副使紹威知留後

汴將朱

友恭將兵還自江淮過安州

朱友恭克黃州還過安州九域志黃州西至安州三

百或告刺史武瑜潛與淮南通謀取汴軍冬十月己亥

友恭攻而殺之李克用遣其將李嗣昭周德威將步

騎二萬出青山將復山東三州

山東三州邢洺磁也是年五月葛從周取之

壬寅進攻邢州葛從周出戰大破之嗣昭等引兵退入

青山從周追之將扼其歸路步兵自潰嗣昭不能制會

橫衝都將李嗣源以所部兵至

薛史明宗紀曰羅弘信襲破李存信於莘縣帝

奮命殿軍而還武皇嘉其功即以所屬五百騎號曰橫衝都

謂嗣昭曰吾輩亦去則

勢不可支矣我試為公擊之

為千

嗣昭曰善我請從公

偽翻

後嗣源乃解鞍厲鏃乘高布陳

陳讀曰陣

左右指畫邢人莫

之測嗣源直前奮擊嗣昭繼之從周乃退德威馬邑人

也

馬邑秦漢舊縣名久廢開元五年分朔州善陽縣置馬邑縣於古大同軍城屬朔州

癸卯以

威武留後王審知為節度使以羅紹威知魏博留後

丁巳以東川留後王宗滌為節度使加佑國節度

使張全義兼侍中

王珙引汴兵寇河中

珙居勇翻

王珂告

急於李克用克用遣李嗣昭救之敗汴兵於胡壁

九城志河

中府榮河縣有胡壁鎮榮河唐霄鼎縣也宋祥符中更名敗補邁翻

汴人走前常州刺史

王祝

祝之六翻

性剛介有時望詔徵之時人以為且入相

相息

亮過陝

王祝就微道過陝州陝夫冉翻

王珙延奉甚至請叙子姪之禮

拜之祝固辭不受珙怒

珙以祝同姓年輩在前行且入相請叙子姪之禮以親結之而

祝辭不受珙以祝薄其門地本出寒微而絕之也故怒

使送者殺之

考異曰祝為給事中并

遇害皆無年月今因珙伐河中事附此

并其家人悉投諸河掠其資裝以

覆舟聞朝廷不敢詰

史言唐之威令不行藩鎮暴橫王祝懼其虐殺而不飛問詰去吉翻

閏月錢鏐以其將曹圭為蘇州制置使遣王球攻婺

州十一月甲寅立皇子禎為雅王祥為瓊王以魏

博留後羅紹威為節度使

衢州刺史陳宥請降于楊

行密錢鏐使顧全武討之

降戶江翻

朱全忠以奉國節度

使崔洪與楊行密交通

淮西淮南鄰道也

遣其將張存敬攻之

洪懼請以弟都指揮使賢為質

賢音致考異曰十國紀年洪託以將士不受

節制遣兄賢質於汴按舊紀十月汴將張存敬以兵襲蔡州刺史崔洪納款請以弟賢質于汴許之實錄亦云

弟賢今從之

且言將士頑悍

悍下竿翻又侯盱翻

不受節制請遣二千

人詣麾下從征伐全忠許之

為朱全忠遣崔賢徵兵蔡將殺賢劫洪奔淮南張本

召存敬還存敬曹州人也

十二月昭義節度使薛志

勤薨李克用之平王行瑜也

見上卷乾寧二年

李罕之求邠寧

於克用克用曰行瑜恃功邀君故吾與公討而誅之昨

破賊之日吾首奏趣蘇文建赴鎮

事見同上趣請曰從

今纔達天

聽遽復二三

復扶又翻下同

朝野之論必喧然謂吾輩復如行

瑜所為也吾與公情如同體固無所愛俟還鎮當更為

公論功賞耳

為于偽翻下同

罕之不悅而退私於蓋寓曰罕之

自河陽失守依託大庇

蓋古盍翻李罕之失河陽見二百五十七卷僖宗文德元年

歲月已深比來衰老

比毗至翻近也

倦於軍旅若蒙吾王與太

傳哀愍

王謂李克用
太傅謂蓋寓

賜一小鎮使數年之間休兵養疾

然後歸老閭閻幸矣寓為之言克用不應每藩鎮缺議

不及罕之罕之甚鬱鬱寓恐其有它志亟為之言

亟去
吏翻

頻也
數也

克用曰吾於罕之宣愛一鎮但罕之鷹也饑則為

用飽則背飛

祖曹操駕御呂布之
意而言之背蒲妹翻

及志勤薨旬日無帥

罕之擅引澤州兵夜入潞州據之

九域志澤州北至潞
州一百六十五里帥

所類
翻

以狀白克用曰薛鐵山死

薛志勤從克用起
代北初名鐵山

州民

無主慮不逞者為變故罕之專命鎮撫取王裁旨

裁旨
者旨

裁其可
否也

克用怒遣人讓之罕之遂遣其子請降于朱全

忠執河東將馬溉等及沁州刺史傅瑤送汴州克用遣

李嗣昭將兵討之

自此李克用不能與朱全忠爭邢洺磁而爭澤潞矣

嗣昭先取

澤州收罕之家屬送晉陽

先取澤州既掩李罕之不備且俘其家史言李嗣昭用兵

有方
略

楊行密遣成及歸兩浙以易魏約等

淮南擒成及見上卷

乾寧三年兩浙擒魏約見上去年四月楊錢爭蘇州臺濠周本秦裴皆淮南名將也為浙人所困終不能守楊

行密知錢鏐未易可輕故歸成及以易魏約意在講解也

錢鏐許之

錢鏐亦自知不如楊行密之強

故許之
之速

韶州刺史曾袞舉兵攻廣州州將王瓌帥戰

艦應之

帥讀曰率

清海行軍司馬劉隱一戰破之韶州將劉

潼復據洧洽

復扶入翻洧洽當在韶州洧昌縣界或曰劉潼據洧陽洽洧二縣之間洧癡貞翻洽

胡南翻

隱討斬之

二年春正月丁未中書侍郎兼吏部尚書崔胤罷守本

官以兵部尚書陸扆同平章事

崔胤陸扆迭為拜罷

朱全忠表

李罕之為昭義節度使又表權知河陽留後丁會武寧

留後王敬莖

莖如招翻

彰義留後張珂並為節度使

河陽武寧皆附

屬朱全忠獨張珂在涇州而為之請節鉞亦所以結之也

楊行密與朱瑾將兵數

萬攻徐州軍于呂梁朱全忠遣騎將張歸厚救之劉

仁恭發幽滄等十二州兵十萬

十二州幽涿瀛莫平營薊媯檀滄景德也幽州

巡屬更有蔚新武三州劉仁恭留以備河東不發其兵

欲兼河朔攻貝州拔之城

中萬餘戶盡屠之投尸清水

清水即清河之水

由是諸城各堅

守不下仁恭進攻魏州營于城北魏博節度使羅紹威

求救於朱全忠

朱全忠遣崔賢還蔡州

崔洪以弟賢為質見上年

發其兵二千詣大梁二月蔡將崔景思等殺賢劫崔洪

悉驅兵民度淮奔楊行密兵民稍稍遁歸

安王重遷人情之常也

至廣陵者不滿二千人全忠命許州刺史朱友裕守蔡

州 朱全忠自將救徐州楊行密聞之引兵去汴人追

及之於下邳

下邳古縣唐屬徐州九域志在徐州東一百八十里

殺千餘人全忠

行至輝州

是年朱全忠表以宋州之碭山虞城單父曹州之成武置輝州即單州之封城也

聞

淮南兵已退乃還 三月朱全忠遣其將李思安張存

敬將兵救魏博屯于內黃

九域志內黃縣在魏州西南二百一十四里

癸卯

全忠以中軍軍于滑州劉仁恭謂其子守文曰汝勇十

倍於思安當先虜鼠輩後擒紹威耳乃遣守文及其妹

堦單可及將精兵五萬擊思安於內黃丁未思安使其

將袁象先伏兵於清水之右

淇水東過內黃謂之白溝水亦謂之清河

思

安逆戰於繁陽

繁陽漢古縣唐併省入內黃杜佑曰漢繁陽縣故城在內黃縣西北

陽不

勝而却守文逐之及內黃之北思安勒兵還戰伏兵發

夾擊之幽州兵大敗斬可及殺獲三萬人守文僅以身

免可及幽州驍將號單無敵燕軍失之喪氣

李克用輕單可及而

有木瓜澗之戰劉仁恭輕李思安而單可及喪元是以用兵者戒於輕敵喪息浪翻

思安陳留人

也時葛從周自邢州將精騎八百已入魏州戊申仁恭

攻上水關館陶門

館陶門魏州城北門由此門出起館陶縣因以為門名

從周與

宣義牙將賀德倫出戰顧門者曰前有大敵不可返顧

命闔其扉

闔轄脫翻扉門扇也

從周等殊死戰仁恭復大敗

復扶又翻

下同擒其將薛突厥王郇郎

郇古外翻

明日汴魏乘勝合兵擊

仁恭破其八寨仁恭父子燒營而遁汴魏之人長驅追

之至臨清擁其衆入永濟渠殺溺不可勝紀

勝音升

鎮人

亦出兵邀擊於東境

鎮人王鎔之兵深冀趙之東境

自魏至滄五百里

間僵尸相枕

僵居良翻枕職任翻

仁恭自是不振而全忠益橫矣

幽并之兵勢皆挫薛史賀德倫其先河西部落人故德倫河西胡人也

全忠益橫橫戶益翻父懷慶隸滑州軍為小校故德倫少為滑牙將劉仁恭之攻魏州也羅紹威遣

使修好於河東好呼列翻且求救壬午李克用遣李嗣昭將

兵救之會仁恭已為汴兵所敗敗補滿翻紹威復與河東絕

自李存信薨縣之敗魏與并絕矣今因求救而通好并兵未至而汴人有功故復與并絕嗣昭引還

葛從周乘破幽州之勢自土門攻河東拔承天軍別

將氏叔琮自馬嶺入馬嶺在太原府太谷縣東南八十里拔遼州樂平晉分

漢沽縣置樂平縣唐屬遼州進軍榆次榆次古縣唐屬太原府李克用遣內牙

軍副周德威擊之叔琮有驍將陳章號陳夜叉為前鋒

俗言陰府有鬼使曰夜叉時人以陳章驍悍可畏如夜叉然因稱之請於叔琮曰河東所

恃者周楊五

周德威小字楊五

請擒之求一州為賞克用聞之

以戒德威德威曰彼大言耳戰于洞渦

洞渦水出沾縣北山東流南屈

過受陽縣故城東西過榆次縣南此据水經注也魏收地形志洞渦水一出木瓜嶺一出沾嶺一出大廉山一出原過祠下五水合流故曰同過後語轉為洞渦按高歡建大丞相府于晉陽魏收已策名爾府齊受魏禪以晉陽為別都魏收多從其主德威微服往挑戰

挑徒了翻謂

其屬曰汝見陳夜叉即走章果逐之德威奮鐵槌擊之

陸馬

魏剛瓜翻

生擒以獻因擊叔琮大破之斬首三千級叔

琮弃營走德威追之出石會關又斬千餘級從周亦引

還丁巳朱全忠遣河陽節度使丁會攻澤州下之

去年

十二月河東兵取澤州

考異曰實錄丁巳葛從周復

取澤州按編遺錄丁巳河橋丁會收復澤州實錄云從

周誤也唐太祖紀年錄三月周德威敗氏叔琮於洞渦

驛先是逆溫令丁會將兵助李罕之戍潞州至是葛從

周復入潞州以代丁會賊復陷我澤州梁實錄薛史梁

紀皆云六月方遣從周入潞州紀年錄于此連言後事

耳

婺州刺史王壇為兩浙所圍

去年閏月兩浙兵攻婺州

求救於宣

歙觀察使田頌

按宣歙觀察先是已升寧國軍以田頌為節度使歙書涉翻

夏四月

顏遣行營都指揮使康儒等救之 五月甲午置武信

軍於遂州以遂合等五州隸之

王建之志也

李克用遣蕃

漢馬步都指揮使李君慶將兵攻李罕之已亥圍潞州

朱全忠出屯河陽辛丑遣其將張存敬救之壬寅又遣

丁會將兵繼之太破河東兵君慶解圍去克用誅君慶

及其裨將伊審李弘襲以李嗣昭為蕃漢馬步都指揮

使代之攻潞州 庚戌康儒等敗兩浙兵於龍丘

龍丘本漢

太末縣貞觀八年更名龍丘即今龍遊縣九域志屬衢州在州東七十五里

敗補邁翻擒其將王

球

王球為主將以攻婺州而見擒於龍丘蓋以浙兵逆與宣兵戰也

遂取婺州

景福元年王壇

得婺州至是失之

六月乙丑李罕之疾亟

亟紀力翻

丁卯全忠表

罕之為河陽節度使以丁會為昭義節度使未幾

幾居宣翻

又以其將張歸霸守邢州遣葛從周代會守潞州

興曰考

編遺錄六月乙丑李罕之疾甚請歸河陽丁卯上令抽大軍迴以丁會權制置綏懷上黨上乃東歸不言遣從周入潞薛居正五代史梁紀六月帝表丁會為潞州節度使以李罕之疾亟故也又遣葛從周由固鎮路入于潞州以援丁會梁寶錄後唐紀皆云代會自此至潞州破賀德倫走不復見會名或者李罕之既卒復召會守河陽以從周代之不可知也今因會鎮潞終言之

以西川大將王宗佶為武

信節度使

王建之請也

宗佶本姓甘洪州人也 丁丑李罕

之薨于懷州

李罕之自潞州赴河懷至懷州而卒

保義節度使王珙性

猜忍雖妻子親近常不自保至是軍亂為麾下所殺

信宗

中和初王重盈鎮陝傳子珙至是而亡

推都將李璠為留後

璠晉

秋七

月朱全忠海州戍將陳漢賓請降于楊行密淮海遊奕

使張訓以漢賓心未可知與漣水防遏使廬江王綰將

兵二千直趣海州遂據其城

楊行密自此遂有海州趣七喻翻

加荆南

節度使成汭兼中書令 馬殷遣其將李唐攻道州蔡

結聚羣蠻伏兵于隘以擊之大破唐兵唐曰蠻所恃者

山林耳若戰平地安能敗我

敗補漢翻

乃命因風燔林火燭

天地羣蠻驚遁遂拔道州擒結斬之朱全忠召葛從

周於潞州使賀德倫守之八月丙寅李嗣昭引兵至潞

州城下分兵攻澤州已巳汴將劉玘奔澤州走河東兵

進拔天并關以李孝璋為澤州刺史

李孝璋當作李存璋

賀德倫

閉城不出李嗣昭日以鐵騎環其城捕芻牧者

環音宦

附

城三十里禾黍皆刈之乙酉德倫等弃城宵遁趣壺關

胥德倫之兵既不得出城，芻牧城外，未泰又空糧，援俱絕，宜其遁也。九域志：空闕縣在潞州東二十五里，趣七

喻

河東將李存審

李存審即時存審

伏兵邀擊之，殺獲甚衆，葛

從周以援兵至，聞德倫等已敗，乃還。

九月癸卯，以鳳

翔節度使李茂貞為鳳翔彰義節度使。

是年春正月，朱全忠表張珂為

彰義節度使張氏鎮涇州，凡三帥矣。今命李茂貞兼領之。

李克用表汾州刺史孟

遷為昭義留後。

為孟遷以潞州叛，李克用張本。

淄青節度使王師範

以沂密內叛。

當是時，朱全忠盡有河南一道之地，王師範亦附屬焉。若沂密內叛，將安歸邪？又不

乞師於全忠而乞師於楊行密，此事當考。

乞師于楊行密，冬十月行密遣海

州刺史臺濛副使王綰將兵助之拔密州歸于師範將

攻沂州先使覘之

覘且廉翻

曰城中皆偃旗息鼓綰曰此必

有備而救兵近不可擊也諸將曰密已下矣沂何能為

綰不能止乃伏兵林中以待之諸將攻沂州不克救兵

至引退

此救兵果誰兵歟

州兵乘之綰發伏擊敗之

敗補邁翻

十

一月陝州都將朱簡殺李璠自稱留後附朱全忠仍請

更名友謙預於子姪

朱全忠又兼有陝號更工衡翻

加忠義節度使

趙匡凝兼中書令

馬殷遣其將李瓊攻郴州執陳彥

謙斬之進攻連州魯景仁自殺湖南皆平

馬殷始盡有湖南之地

十二月加魏博節度使羅紹威同平章事



資治通鑑卷二百六十一